

富平縣志第六冊

卷八 文

富平縣志卷之八

藝文志 詩 傳 記 表  
叙 書 辭

與圖備田賦均官師詳人物著次及藝文非直  
侈揆藻爲工也凡政事得失風俗醇漓人物臧  
否前各門所不能盡者碑版詩歌往往及之卽  
山川之停峙物產之登耗或時繪寫於文人之  
筆端孫志從關喬志增入今更加搜羅蔚然成  
鉅觀焉要必擇其尤雅蓋慎之也志藝文第八

明月山銘

北周 庾 信

竹亭標嶽四面臨虛山危簷迥葉落窻踈看椽有笛  
富平縣志 卷八  
聽樹疑竿風生石洞雲出山根霜朝暝鶴秋夜鳴猿  
堤梁似堰野路疑村舩橫埭下樹夾津門寧殊華蓋  
詎識桃源

三川水 以下五七  
言古

唐 杜 甫

我經華原來不復見平陸北土唯土門連天走窮谷  
火雲無時出飛電常在目自多窮岫雨行淹相厯蹙  
翁苟川氣黃羣流會空曲清晨望高浪忽爲陰崔躋  
恐泥竄蛟龍登危聚麋鹿枯查卷拔樹礪魄共充塞  
聲吹鬼神下勢閱人代速不有萬穴歸何以尊四瀆  
及觀泉源漲反懼江海覆漂沙拆崖去激壑松栢禿



乘陵破山門迴幹裂地軸交洛赴洪河及關豈信宿  
應沉數州沒如聽萬室哭穢濁殊永清風濤怒猶蓄  
何時通舟車陰氣不黷黷浮生有蕩泊吾道正羈束  
人寰難容身石壁滑側足雲雷屯不已艱險路更跼  
普天無川梁欲濟願水縮因悲中林士未脫衆魚腹  
舉頭向蒼天安得騎鴻鵠

本朝

歲饑頌蔣明府

李因篤 邑人

大旱逼春分沿隄纔弱柳子遺留荒村猶及共社酒  
集立稱新令仁廉古罕有吾徒保殘息並託慈母手  
賤子困負病當途稀踈久獨公沛德音推解存枯朽

富平縣志

卷八

二

近且陪部使經旬浩奔走 皇仁固浩蕩得達閭閻  
否公頗擣清囊屢爲若輩取賑施郡國先慷慨關河  
首感極轉墮涕行碑傳其口澄輝亘三吳壯彩窮二  
酉所至領士女歡聲徧童叟菜蕪饒生塵單父琴掣  
肘昨忽賁軒車情深忘老醜衰齡謝應接喜復瞻山  
斗

富平王節母詩

張 漢 石屏人

中庭有慈竹青翠發幽香鬱鬱覆筍根雙棲金鳳皇  
一朝及歲寒錯節恐凋傷猗彼琅玕質孤貞一何剛  
百折不可回人生無冰霜凡卉先秋萎孫枝鬱以蒼

我重抱節君應知受命長

何難

按今縣東二十里俗名賀蘭關即此

曹玉珂

邑人

唐昭宗乾寧三年七月鳳翔李茂貞稱兵犯關  
都人竄匿禁旅星散上幸鄜欲依克用甫渡渭  
有兵數千自東馳至時扈衛寡弱遙望皆無人  
色及見則韓建子從允也持建表請幸華州上  
不許中官憚遠行趣上召建議且羣言建忠非  
克用比上命韓宣徽檄召建左右實與從允謀  
不從則劫矣上至富平建帥兵二萬人跪申表  
意上不得已從之是日即發富平爲七月七日

富平縣志

卷八

三

乙未也行東南二十里暑甚何后馳烈日中以  
疾墜鞍上駐野次父老跪進水漿泣不能興詔  
張幄少息建惡之令軍士噪言同州兵臨蓋茂  
貞養子繼塘爲同州刺史時軍聲四起上倉皇  
扶后上馬而去以何后之難今名何難關舊設  
有關云

唐自貞觀後南山盈蒼蔚開元御極久姚宋不終治  
相李復相楊諸亂根皆植力士初衣朱漸積掘畫地  
方鎮握重兵范陽諸孽始悖逆畿甸發草木搖清渭  
豈乏塞源人不克安其位劉蕡布衣言言直卽下第

膏肓亦勵精如人病憔悴間擇醫師良焉能起久瘵  
教以趨奸宄風靡日從類外庭聞無人定策由宦寺  
內外交相攻患起一無備緬想含元尊生殺頻任意  
諂佞諛堯舜百僚供適志臣畏刑辟加主無陰雨計  
金甌太宗業千葉寧虞墜及乎叛離逢九重成旅寄  
棧道旋鳳翔岌岌臺城勢倖出又犯關六宮憐狼狽  
仰首泣李郭夙漸忠良氣天地不生賢有賢賦薜荔  
一望葦蕭白何處松柏翠克用原堪依馭之乖其制  
近畿阻入朝間關自往會苟能達太原蔓弱亦留蒂  
此生靡失節其心原無異左右蒙天聽詔傳韓建議  
富平縣志

卷八

四

但求弛遠行莫肯詳害利踰荆到潁陽北行識上志  
械林兵忽臨浮原集萬旆班聲飛屋瓦翬綸拭雙淚  
天語未得申請行止一拜堂簾誼雖亡冠履分自在  
神龍失雲雷魴鱗恣睥睨是晨東南發迅馭非安轡  
塵土洒龍顏御閑馮河濟椒房神仙質玉食踐錦繡  
胡然驚帝天同馳鐵衣墜暑灼臥馬足軍士風鶴唳  
草色沾紫鳳鳴角驅昏昧強扶乘繡鞍顰眉無藥餌  
雲間金闕迥乾雀嗟伉儷凝眸羨媪媪茲階誅爲厲  
厚福武媚朝尊崇及懷義入夜見牛女感念華清事  
歷代鮮深澤村落遍凋敝淳俗尙二南草野懷秉懿

道勞荷鋤翁家貧盡徵稅從謹同朴畧脆進農家飢  
欲陳區區心環目怒相視翠華倏爾行倚檐獨涕泗  
東望虎耽耽狼貪笑狂肆近臣乃若然誰可敵王愾  
朱三豈相容同惡何寡智此時惟晉陽渡流欲往說  
躬微不可見道遠不能致村名以何難長爲子孫誌

華陽

有序

始皇二十二年李信喪二十萬衆七都尉于楚  
時王將軍翦謝病家居始皇疾駕入頻陽手以  
上將印佩翦身六十萬兵符如翦約回鑿後三  
日翦發頻陽始皇降華陽公主簡宮中麗色百

富平縣志

卷八

五

人爲媵北迎翦於塗詔卽遇處成婚翦行六十  
里遇焉遂列兵爲城中堅設錦幄行合卺禮官  
屬供帳甚盛詔頻陽別開主第相遇處今名華  
陽在富平東南三十里

荒邨枯樹春平野臨華渭青草紛馬首當時錦幄地  
將軍嚴北發頻陽插旌旆前途逢翠華鸞車鳴瑤佩  
圍轂馳紅粧彩映鷹揚隊從官宣天言遇處卽賜配  
倏忽兵爲城中堅起繡第鐵馬夜不嘶歌吹過靄靄  
曉起變鬢絲仙芝錫天妹信宿到青門六官迎甥婿  
萬斛主府開阿房共壯麗祖龍雖多疑御府取若寄

我冀古達人，身無難處世。料主復審敵，居功安無忌。  
杜郵與上蔡，皆殺識先昧。將軍惟謀勝，深絕長平事。  
歌凱雲夢回，雙鳳鳴噦噦。迄今邑山祠，白髭朱顏儷。  
香烟幾蕭史，空載弄玉逝。華陽人尙見，月明鸞鶴至。

雨後遊月窟山

賈祖禹 邑人

宿雨放新晴，長空雲似掃。月窟時晴嵐，登臨須撥草。  
入山石漸大，到頂人乍小。去天疑一握，脚底踏飛鳥。  
羣峯等兒孫，森立仰攜抱。搔手思一問，恨不攜謝朓。  
古木俯而揖，危崖欲崩倒。山花非無名，安能一一了。  
牧樵各忘機，鹿鷺馴不擾。山深人語稀，但聞鳥語好。  
富平縣志

卷八

六

遊山須到盡，如鳩巢樹杪。掉臂信所之，奇蹤皆探討。  
碧瓦懸百尺，飛樓眞縹緲。前有讀書龕，斲云自太保。

謂孫恭介公

學女坐西峯，書聲傳父老。西北有靈湫，祈霖

多應禱。殘碑半剝蝕，字畫猶能考。太華迎爽氣，渭流  
一線遶。絕壁餘斧痕，五丁何年造。古洞有神蹟，可望  
不可到。日落四山黑，少焉天光皓。遙天參斗橫，舉頭  
見畢昴。因緣宿佛洞，洞深幽以窅。木魚連夜擊，梵音  
徹雲表。書生魂夢清，造物忌相攬。中宵萬竅號，驚我  
肅然情。勢欲拔大木，何論折枯藤。升沉應有數，安用  
憂如擣。風定東方白，紅日尙未杲。斷靄障孤村，朝煙

流清曉蒼茫迷仄逕却忘來時道漁郎莫問津恐誤  
作蓬島老矣此山中愛此月如縞濫巾羞周子肯令  
勒移早歸來不作詩餘歡墜空杳

重遊月窟山

腰輿又芒屨重來訪舊跡驚鷓如故友飛鳴各拍拍  
孤烟一縷青疊嶂四圍碧仄逕卽盤回寧須扶筇策  
石室三尺桐幽響鳴磔磔二女知不死束絡豈枯腊  
古洞神仙窟人間無此宅猛獸亦奇鬼側立千仞石  
山谷欬且笑怪鳥如驚客自覺與巖阿千古似連壁  
泉石同膏肓疇云異代隔此中有佳處無復憶原澤  
富平縣志

卷八

七

溫園

李樟 邑人

我里荆浮間浩蕩漆水注昔予每行遊曾經最勝處  
羣峯疊翠屏清流相奔赴屋宇間陂田千頃陰竹樹  
居人誤東西過客迷來去置身畫圖中一步一回顧  
頗疑桃花源昔人言非寓瀟灑南邨居羈網徒爲慕  
數載縈素心徃徃魂夢遇之子何清真邂逅古青門  
自云家漆澣桑梓古來春風景一爲說正余向所欣  
以茲幽勝地對君磊落人雞豚尋社約便足了此身  
買山錢有贈百萬定卜鄰回首故山裏水木正森森

荆山鑄鼎篇 三首

陳覺 邑人



放勳昔在位鴻水正滔天舜舉崇伯子乃奠名山川  
維禹實大智疏濬有後先乘樅荆山頂用鼓洪爐烟  
山峙渭之北漆沮遶其前山明水亦秀鑄鼎辨神姦  
百靈胥效順夔龍相糾纏昔者軒轅帝曾鑄此山顛  
飛龍來接引清虛登上仙壽可後天老王母與周旋  
世遠事茫昧寶鼎恐虛傳禹逢陶唐世行水浚原泉  
佐成勳華盛鑄鼎一昭虔有德不在鼎鼎與德俱全  
荆山仰止處崔嵬億萬年

驅車渭水北遙望荆山上古樹鬱蒼蒼峯巒峭疊嶂  
下馬徐攀登絕頂殊清曠鑄鼎傳遺宮古坊儼相向

富平縣志

卷八

八

我來頻瞻拜厥惟夏德王受命于帝廷治水有異狀  
辛勤十三載狂瀾爲之障功成因鑄鼎乃在荆之滢  
神靈所憑依造化相摩盪簫韶慶九成鳳鳥來飛颺  
洛書由此錫岳牧互推讓遂使夏后氏三代莫能向  
是日天氣清惠風恣和暢華岳秀嶙峋黃河排濁浪  
微禹吾其魚焉能不怏怏永言欽法物廟堂存寶藏  
神禹治水水東下隨山刊木西雍州荆岐旣旅駐荆  
阜周回四顧樂斯邱漆沮演漾來西北東南湧入渭  
川流山川環抱水火濟毅然鑄鼎闡大猷夏后明德  
由來遠貢金九牧叙懷柔鑄爲鼎鼎形特異輪囷軒

魏壯千秋山林川澤憑出入魑魅魍魎將焉度併抵  
焦勞乘四載帝錫元圭承天休使節新從北極至遙  
瞻紫氣駕青牛關中人士如波靡百川東注何所投  
我公具有人倫責砥柱中流况所優疏山導海分內  
事鑄鼎鑄顏或與儔荆山巍巍高千仞鑄鼎遺官奕  
礪留誰實用禹底厥績浩浩懷襄能不憂堯爲君兮  
舜爲相爰命司空運其籌地平天成從此始唐虞天  
子自垂旒

磬玉山

舊志云華原磬石出紫金山

唐白居易

梨園弟子調律呂知有新磬不知古古稱浮聲出泗

富平縣志

卷八

九

濱立辯致死聲感人官懸一聽華原石君心遂忘封  
疆臣果然外寇從燕起武臣不肯封疆死始知樂與  
時政通豈聽鏗鏘而已矣磬襄入海去不歸長安市  
人爲樂師華原磬與泗濱石清濁兩聲誰得知

盤龍寺

明徐偉邑令

荷貼青錢楊柳絮綠暗煙深桑柘路舊令之政復何  
如開閣漸憐春色去佳人強我試春衫猶記盤龍水  
似藍衽歲寡儔事修禊此行隨俗謾祈蠶居僧重見  
知無恙社老相逢撥新釀前溪雨急不成歸掛起西  
窗見春漲

憶昔行贈李石覺

楊爵

憶昔相別蘭若裏而今咫尺如千里嘆我老作園圃  
人喜君再爲蒼生起我思古人獲我心憂國憂民矢  
念深未說江湖與廊廟惻惻盡是此胸襟何以報稱  
有周道知君不愧此懷抱化理從教儉地敷調元應  
得絲綸早昔聞闕輔試蕭翁今見中州借寇老拜手  
天庭出帝畿燕街草色映旌旗想像堤邊多楊柳爲  
君無由折此枝到處爭迎舊憲使春雨秋霜遍遠邇  
吁嗟吾民正倒懸願君此去愛如子

斛山歌

孫繼魯 邑人

富平縣志

卷八

十

我聞萬斛之山在富平凌雲倚漢自崢嶸俯瞰黃河  
下底柱遙瞻華嶽叅長庚出雲觸石幾萬載千里秦  
川成陸海鍾靈毓秀人絕奇獨立巉巖對眞宰收拾  
清風入穴中阜財解慍裨重瞳髦頭却顧伊吾北赤  
子長懸渤海東補天不用五色石浴日全憑一片赤  
祇求鎮定棟乾坤未與浮沉論堅白淹留天理忽過  
關孤高無謝首陽山薇生太平且莫採玦今永久當  
賜環賜環非爲重青紫滿眼繁華誠敝屣殿邦直擬  
太山安大猷共濟虞周美虞周濟美竟如何維岳降  
神海不波象成作樂昭明德馨香不盡山之阿

仇太公孝思詠 有序

張所蘊 耀州人

經曰孝通神明夫孝庸德也然而得氣之先故  
石子種瑤飛鳥啣火鑿埴而金泣竹而荀鹿觸  
壠而鬪虎庇廬而祭種種神奇莫不自庸德中  
應之蓋萬念者一念所積積誠不泐帝下鑒人  
終譽蔡忠惠公曰三五之世忠孝繇性三五之  
後忠孝繇勸旌孝之典天與君父之大賞存焉  
頻陽仇太公諱養蒙少有至性懷肉温衾不踐  
迹而古人是匹南游負米東郊掛經禱疫願以  
身代幾諫出以婉容瘖則吮膿歿則廬墓築土

富平縣志

卷八

十一

則指爪瀝血伏坵則雷電息威兩喪六載不葷  
不酒不入室平革之精誠也一世八旬彌孝彌  
恩彌不匱王高之永慕也一念萬念一日萬日  
太公洵積誠不泐者故天賞之而疫輒痊瘡輒  
愈靈霑若爲助哀君賞之而子能世類能錫宸翰  
特爲予寵至庸乎至奇乎氣先有以相感公雖  
嗜學終身以青衿老而刻期返眞有如委蛻天  
人交感神明通乎至德視古人疇多讓與公之  
子孝廉君感天語賁里仍册集諸名公之言以  
光修夜蘊辱通家子敢不序而詠之第公孝繇

性成令人懸仰三五以上而非言詞所能悉  
我聞劉元斌生平無妄語歿而作轟雷遽向壁間起  
精氣激爲聲此中有至理非庸亦非奇神明初弗死  
孝哉仇太公嗜學老愈旨負米樂養親徒穀發深恥  
禱疫與吮癰天眼無留視廬墓墓長濕泣血周六祀  
一夕列缺怒伏號風雷止因心八十年考祥旋視履  
豫能刻死期遺世如脫屣貽哲有令享科名振珂里  
於皇崇孝治縣楔賁宸璽寧順而顯揚風勵寧窮紀  
嗟嗟徐仲車哭聲自爾爾呂溱中宵聞之嘆鬼神應  
復爲公泣不已靈浩磅礴天與徒萬載錡砮恆在耳

富平縣志

卷八

三

本朝 明月篇贈溫母唐節婦

李 柏 郿縣人

明月山頭明月明明月明明照山城山前淑女鍾明  
月愛看明月月下月下行山有明月輝草木人見明月豈  
無情明月捫來入懷抱此身可比明月清笄爲明月  
山前婦夫婿明月山之英祇期月滿山長峙那知月  
缺山如傾月出山邊泣黃鶴月落山門燕不鳴我今  
爲歌山月曲明月皓皓山青青

孫高行樊氏詩

李 樟

縣城北十里村名齊羅堡樊家有淑女許字更北十  
里孫氏某某也年少緣饑馭瀆南遠去無還期康熙

三十年間事歲祲邑里半流離女年彷彿二十餘母  
家不贍謀改圖聞風以死堅自誓毅然身往孫家廬  
稍賣其產物紡績並勤劬鄰有寡姆相與居辛苦十  
年口自餬忽傳夫在雲南生事腴道路迢迢信模糊  
寡母之子夫族子前往一探果有無回言浮家另娶  
生男女寄謝高誼宜早自計無守株聞言置之意自  
如此後往來煩詞彌難述或言業已就冥途獨處三  
十餘五載青娥倏變冰霜顧客歲邑明府聞之重嗟  
吁適會使事滇中當路親萬里朱篆附官符計欲招  
歸合白首寧知眞已前死數年遺藐孤卓爾衰衣爲  
富平縣志

卷八

十三

通儒苦告官長願北歸百二十日到舊閭將持生母  
妻妹俱匍匐尊前血淚枯里人闕然賢此子更爲高  
行快歌呼我書韻語紀瑰異重複詠歎倡吁于雍正  
三年秋七月同邑之人李生書

遊盤龍寺懷前輩劉雨化先生

朱樹滋 邑人

盤龍龍去已百年龍去盤跡尙宛然我來訪龍日正  
午翠栢寒凝醉溪煙醉溪齋下溪聲吼白鴨寂寂牙  
籤朽當時曾寓謫仙人弄月溪邊飲綠酒飲綠酒兮  
醉溪深醉溪深處老龍吟老龍吟誰解音人生莫恨  
不同時千載相知憑寸心

同江泉遊善慶寺 以下五言律

明李宗樞 邑人

驅車登寶刹酌酒撫華筵  
紉字微風動朱光大地懸  
金燈明六世法座隱諸天  
况有同杯客何妨醉不眠

憶楊斛山

梅守德 都御史

天下奇男子關西老鳳翎  
孤忠懸日月直氣犯雷霆  
漢獄傳經滿元城睡夢寧  
陽和不擇地指日到深局

遊溫泉

惠之介 邑人

湛湛温波遠依流趣不稀  
樹深鶯語細溪靜浪痕微  
空翠連巢閣野煙隱釣磯  
秋風蘆荻裏白鷺下還飛

寇萊公河

曹玉珂

富平縣志

卷八

古

富平東南華陽有小川焉  
兩岸中深名萊公河  
里人傳為寇公欲引温水  
灌下邽當時興廢莫  
攷今相其川原自温水  
東岸迤至下邽皆平野  
可漑若復公所濬則百  
里皆沃壤厥利鴻矣

萊公昔濬此想見濟人心  
作相誠為楫居鄉復沛  
霖高原尚有跡水路自  
堪尋誰是繼來者白渠  
共古今

貞女詩

孫自慎元聘

袁大選 邑人

未遂桃夭賦雲山杳信音  
常懷一字恨莫諒兩髦  
心倩女魂幽咽仙娥淚  
古今誰平天地憾單父  
有鳴琴

再遊善慶寺

以下七言律

明李宗樞

四海風塵多宦跡十年夢寐此禪關共驚溟北鷗先  
化翻訝遼東鶴再還繞檻細尋曾倚栢披簾遙對舊  
看山旻公好客今猶背白酒青燈漫解顏

初夏遊北郭

楊爵

不教閒慮在胸中便與長天一樣空信步行來皆樂  
地開襟懷滿是薰風庭前栢影拂雲綠墻角葵心向  
日紅更有一般清氣味應時黃鳥囀幽叢

贈楊斛山

羅欽順 蘭溪人

眼看榮利獨超然家學關西故有傳直擬重陰當晝  
泯肯令喬木受風偏雲開月朗誰能卜義重身輕我  
富平縣志

卷八詩

五

自權老氣爲君增十倍願言加飯更鑽堅

溫泉

楊之翰 邑人

傍岸名園渾鏡波提壺載酒一相過雲迷野寺蒼蒼  
樹月澹清溪細細河幾處水春鳴夜永雙堤烟柳帶  
風多薄臺近向宮前去獨漲脂香洗玉娥

春暮出郊和五雲劉父母二首

楊日昇 邑人

花發河陽縣欲紅省耕曉出自郊東隨車漫敷三春  
雨入坐還吹一月風桑柘陰深入畫裏烟嵐浮翠落  
尊中登臨指點多明媚爲有福星照遠空

幾尺香泥襯雪紅晴霞濃淡護城東莎庭草長連朝



雨絳帳詩傳大國風惠澤如春棠樹下峯巒欲和頌  
聲中品題到處能分席北海尊前酒未空

明月山夕望

倚杖登臨片月催尚隨夕照暫徘徊浮雲直上峯頭  
盡落日猶從樹杪來萬壑寒聲歸澗道千村暝色隱  
樓臺高邱壘成今古招隱空留酒一杯

木朝春日過岔口覽勝

趙兆麟 邑人

嶺南鶴鵲別封疆歷歷相傳歲月長漆沮流來還役  
祔山崖斷處是頻陽峯巒聳翠依天秀桃杏飛紅帶  
雨香極目登臨情不厭幾回搔首自徜徉

富平縣志

卷八 詩

六

題河北真人洞

惠之介

真人古洞小橋西石畔汀洲白鷺栖隔岸鐘聲風外  
響穿花蝶翅雨中迷鶻隨流水酒成令坐帶落霞詩  
有題仙跡茫茫遙映處柳塘浪捲杏林溪

靈湫春雨

溫如玉

斜風斜雨濕蒼苔乍聽風雷動地來瑤草誰從天上  
種濃雲自向地中開橫飛岸角千尋浪淨洗山頭百  
尺臺此處爭傳神鬼護羣龍出入慢驚猜

溫泉春浴

韓文 邑人

日暖飛紅浸玉波脂香近自漢宮過薄臺雲洒天根

雨汾鼎龍翻地底河傍柳漁磯人影亂浣紗溪女笑  
聲多中山可似驪山勝莫羨華清對素娥

五女塚

震雷半夜破天荒爲弔紅顏古戰場鏡裏風狂悲牧  
馬雲中雨驟洗闈香千年五嶽峯頭影一片三山玉  
女腸幾個英雄同誓死劒鋒沁血冷秋霜

岔口道中

纔經鸛鵲別宜州水傍川圍石柱流女誦奇書藏洞  
裏宮懸新磬出山頭堤連月憶江南路樹雜雲憐渭  
北秋浪湧晴巖聲似雨波添漆沮自龍湫

富平縣志

卷八

詩

七

贈張魁門

李本澤 邑人

踈嬾由來志一邱閒將心事賦悲秋原無妄想心常  
足本不憂貧願易酬入手輸贏皆撥悶沾唇醉醒總  
消愁花陰深處人高臥夢裏羲皇第一流

題王將軍廟碑五首

有序

李因篤

史記將軍頻陽東鄉人吾村在頻山之下古老  
相傳廟祀將軍爲社神山亦有廟廟額曰美應  
侯予少時讀書山中聞禱雨者挹水龍泉數驗  
如響故又稱將軍爲頻山神按是鄉廟數十處  
惟吾村以七月十日爲將軍誕辰必大作社筵

之至將軍所居名千口葬到賢鎮東約詠其槩  
云

頻山頻水樹森森地托將軍有故林斷碣已隨丹篆  
冷荒臺曾染翠華深史記始皇親駕頻村霞晚抱高

峯落磧月秋生古澗陰為溯粉榆通里社沿公伏臘

到于今

秦皇談笑取羣雄一代宗臣首戰功史記秦有天下

大世遠旂常徵野老兵餘劔珮式英風新加大棟躋

攀裏舊請良田指顧中過客不須論往劫鄉人歲歲

薦歆同

富平縣志

卷八 詩

六

山靈神祐報祠長梓里還留血食鄉古屋寒雕愁自

站雲旗風馬怒來翔遺封第宅傳千口伏處松楸列

五王五王都葬將軍墓下地名五塚大澤為陵陵是谷閒尋勝蹟此

褰裳

山居滂沛顥靈偏美應為霖俗並傳避暑灣西遮虎

阜頻山西嶺名卧虎山聞雷廟左帶龍泉龍泉在廟東稍上二里即取湫處千

家俎豆兼秋報四野桑麻接暮烟欲問崇褻何代始

村翁不記漢唐年

當時定兆澗流南六月佳城曉霧含將軍塚上每歲六月廿六日質

明數十步必見城廓宮室車旗率馬下變鶴狀貝闕珠宮移海市川戈鉄騎

隱山嵐長楊溜雨哀聲合老柏摩霄黛色參莫使墓  
田侵牧豎清門連復起朝簪

謂文伯默  
公兩進士

卽事呈蔣明府二首

淵明一飯詠新歡漂母千秋許並看况託至仁蒙  
恬冒頻傾高廩救饑寒春雲曲護荆原色曉露偏滋澗  
水澗屢困災年恆伏枕初承惠問一加餐

愆陽猶在首蓬飛出禱迢迢歷翠微歛採虛聲川岳  
轉親探陋巷羽旄稀恩推婦孺愁停著說到流亡淚  
滿衣野老扶筇爭載德幽謠周雅舊邦畿

過朱太史鏡波園留飲卽事

富平縣志

卷八 詩

十五

溫泉雨色帶林坳別構憑高得建旣驟出潛魚凌水  
藻旋來啁雀傍風萍滄池並抱雙厓碧峻閣遙分萬  
壑青竟日栖遲仍卜夜頻然藜火續晨星

春日登浮山漢薄太后祠

周懋康 邑人

高臺祠畔杏花鮮載酒登臨興邈然南向雄風還大  
陸西來爽氣入長川開軒敞納千山雨遶戶遙迷萬  
樹烟憑弔離宮

相傳山下  
有后別墅

惟想像夕陽潦倒在樽前

魏孝文帝陵

在富平  
中華原

曹玉珂

帝賜原名今尚稱葱葱佳氣自峻嶒洛陽宮闕雄江  
左秦地河山比灞陵鐵馬旌旗常侍衛石人冠佩列

凝丞昔來聯騎人何在東望高樓淚不勝

王母寶節婦詩

張伯行人河南

母儀婦德兩無慙白髮茹荼摠自甘歲履冰霜四十二年同松柏六旬三温綸褒降山金闕彤管賡揚發錦函更羨鴟雛豐羽翼冲霄一舉破烟嵐

題王將軍廟

路立孔邑人

將軍廟貌自蕭森奕奕層軒出故林碧瓦久飛山雨歇朱甍常臥水雲深涼風鐘鼓催秋爽落日松楸入暮陰報祀不知幾歲月人傳伏臘盛於今

玉鏡山有姚秦離宮故址

富平縣志

卷八詩

三

高縣玉鏡兩門間一水盤流十二灣風洞嶺西明月寺日星坡上揣天山舊宮花草春誰惜削壁烟雲好自閒亂世君臣還有跡居人指點說朝班

夏日同魏季始讀書明月山寺

一僧牢落萬山幽小院陰陰夏亦秋閣上看雲須衣袷崖前倚樹竟忘愁卜居久欲拋妻子問法今知厭酒樓月到祇園明更別雙清心跡可長留

陳節婦田氏輓詞

并序

李樟

節婦余里中農家女也去歲夏歸鄰邨陳生生舊膺痼疾逾春自知不起囑父母善視新婦當

別歸佳處又以語飾婦婉辭慰謝而已及夫亡  
既殯家人覺其有異嚴防之訖卒葬固自如也  
但言好爲治墓令可容二棺舅姑父母盡悲哀  
相諭佯謂向偶情激今已無此心矣亡何防少  
辨以夜束修緼於陳氏之室年一十有七距夫  
亡月餘耳里人士將聞於有司陳氏不可衆爲  
釀金勒石表其墓時康熙癸未夏六月也  
荆布遺來藥裹時托心半載已心期生如有益還多  
事死縱無知亦不辭少日慇懃歸白首一緘談笑老  
蛾眉英靈定自生連理雙燕年年遶墓隨

富平縣志

卷八 詩

三

城南卽事

邑城風物似河陽寒食杏花萬樹香十里蒸霞橫翠  
巘多時帶雨繞虹梁酒旗影露烟村曉牧笛聲流野  
照長柳絮青黃芳草綠王孫歸路占春光

春日行金甕山東麓馬上口占

駘宕春圖儼畫工舊常行處乍來同酒旗村店杏花  
雨牧笛溪橋楊柳風洞裏衣粧迷漢代壁間樓閣隱  
壺公買山最有移家計雲鎖巖扉信未通

八公原寺偶集

朱樹滋 邑人

聞道八龍曾聽禪竭來懷古典悠然門開華嶽峯頭

雨路遶鹽汀樹裏泉碣老摩挲知歲月時平指點問  
桑田已拚斗酒同良夜徐得幽吟雜管絃

南湖書院落成誌喜二首

喬履信 偃師人

落成精舍縣南東潑眼秋光繞檻櫳山水幾重開曉  
望宮墻數畝傍涯通敢將畫宇誇羣鳥聊喜茅椽庇  
雨風會有奇才相慰藉莫忘鳩飭事無窮

近年湖水得新名

南湖舊名南下池予易今名

助我開堂水上成

謂督工紳士

路入幽篁緣曲徑門依野樹對層城竹窻晴

射烟霞色芸閣宵傳雅頌聲遙望橫渠人未遠杏壇  
事業魯諸生

富平縣志

卷八 詩

三

前題和韻二首

張雄圖 洛陽人

頻陽南似洛陽東桃李新開繞碧櫳程學尋源遙可  
溯橫渠引派近相通堂虛夜受灘頭月座暖春迴水  
面風會得鳶魚飛躍意心源活潑興何窮  
研經先合論書名儒就燕閒喜易成蜀地曾傳開石  
室河陽莫羨種花城銀河影裏搖鞦帶玉笋班中起  
頌聲屬和偏羞音太濁應嘲洛下老諸生

富平八景詩

烟雨南湖蹴浪紋五陵秋色正氤氳杏林我自貪晴  
眺石洞伊吾想夜聞翠疊錦屏朝映日流環玉帶暮

漂雲美原擬伴仙翁去弄月靈湫鞋鶴羣

錦屏列翠八景詩

喬履信

幾幅排空半入雲千峯列采氣氤氳霧遮石壁青疑捲風展嵐光翠欲分亂點花開金谷障斜垂瀑逗錦

江文年年簫鼓陳祠廟山有王廟錯認華原曉駐軍始皇

假剪六十萬衆伐楚以華陽公主歸之命遇處設錦幃成婚今其地名華陽原

玉帶環流

一條遠水過橋東斜繞城隈斷復通亂插桃花紅點點倒垂楊柳碧融融連村禾黍晴圍綬傍郭樓臺曉跨虹自應拖紳滄海去何妨躉束到湖中渠通南湖

富平縣志

卷八詩

三

杏林晴眺

石川文杏幾千株潑眼春光滿碧湖上苑筵開曾借樹右丞館在近披圖從雲外去尋花種勝雨中來問酒鑪渾似故園風日麗午橋坊帶碎霞鋪

靈湫夜月

山連月窟窟連月月在高山水上頭岸角蟾光驚乍射潭心桂影喜全留渾疑犀照波生焰更訝綸垂玉作釣夜靜風來池弄碧一輪寶鏡自沉浮

南湖烟雨

南湖一碧本如天細雨空濛更可憐石燕衝花雲葉



亂梁魚出水浪紋圓高低翠合峯峯隱遠近青浮樹  
樹連最好風吹烟影破書聲遙送過前川

五陵秋色

五帝陵前畫似陰劍弓埋沒素秋深寢園址在松楸  
合享殿瓦平禾黍侵光弼有心陪瘞玉溫韜何意苦  
搜金淒淒艸樹迷荆頂高祖獻陵石荆山石馬嘶風雜暮砧

美原仙跡

慢道仙人去莫猜田郎遺跡有高臺美原千頃依空  
碧明月孤峯絕點埃幾卷丹經留野廟數聲玉笛過  
蓬萊佳名到底知誰是真人田姓古縣風清剩綠苔

富平縣志

卷八 詩

三

石洞書聲

誰從石壁現空明峭立千尋鑿不成几案生苔文亦

綠杜光庭女學洞記云西洞石龕有道經數萬卷置栢牀上吟哦對月韻尤清斗

間響過青雲住天際音飛紫氣迎可信仙人歸洞日

神鵬阿護讀書聲

杜記云山前有神鵬護洞門犯者輒擊之

金甕止

長庚星照古黃圖化作高山氣象殊玉鏡涵光明不  
定錦屏信彩爛如鋪近疑帝鑄燒丹鼎遙憶仙留注  
液壺誰範奇形開大冶應傳太乙鼓洪爐

登杏花嶺

李世垣德州人

惟石巉巖虎豹蟠連天荒徑草漫漫捫蘿試足心先  
怯杖策回頭膽自寒地僻千年人跡少風高五月夏  
衣單王陽叱馭羊腸道未悉此間行路難

將軍山

將軍山上將軍廟廟賽將軍山此名山上將軍今不  
見廟前松栢自參橫華原錦帳人何處美宅良田主  
幾更日暮半巖雲四合雷殷疑是鼓鼙聲

南湖四景詩

選二首

楊深邑人

春深柳陌愛頻行萬樹輕烟散曉晴弱縷迎風翻翠  
浪嬌鶯向日弄新聲笙簧一派堤邊奏錦繡千重梭

富平縣志

卷八詩

五

裏成載酒題詩佳景在騷人對此自多情柳陌春晴  
萬頃澄波一色鮮月光入水水連天嫦娥倒自湖中  
出星斗疑從鏡裏懸碧浪來時蟾亦動水輪開處桂  
初圓風清露白乾坤靜雁羽流音空外傳澄湖秋月

駐節頻陽

五言絕句

明練國士都御史

人臥清明雨春深燕子樓花香與鳥語總是故鄉愁

題斛山

以下七言絕句

馬理三原人

明月山前水帶圍菜花開盡柳花飛山川誰為爭光  
采大宰莊東有繡衣

遊頻山見題斛山句有感和韻

孫鍾臯邑人

一帶風光繞翠圍，祥烟直傍岫雲飛。山川老去誰爲主，猶說當年舊繡衣。

本朝上則叔祖夫婦雙殉節孝詩 田本沛 邑人

一死甘心代父軀，誰知節孝是刑于。乍封黃土紅顏盡，烈烈泉臺婦與夫。

其二

難來慷慨死相仍，此義同衾講未曾。變化香魂光日月，豈緣情愛效韓馮。

孫舜賓兄弟同烈

爲累天官舊日名，兒因父死弟因兄。當年澤美歸何

富平縣志 卷八 詩

三

處禍獨君家，恨不平。

邑里絕句

五十首選三十首

李因篤

西南廢驛紫苔生，沃野於今獨擅名。未墜遺田三百

畝，平疇新雨足躬耕。

土門在敝廬南百餘步

正陽渠引濁河流，辛苦高曾挽上游。黃鳥飛來桑柘

綠，傍溪豐草臥羊裘。

正陽渠在村東

村西古道出三川，隴北青槐芑數椽。晝沸爐聲矜渴

旅，慈親作用仿流泉。

槐樹菴在村西南，陶老母施茶之所

泥澗東來繞舊盧，雨中禾黍粲新渠。兒孫只說豐年

社，省憶前人疏鑿初。

新渠在正陽渠東，今頗疏刊

將軍霸畧啓秦皇數請田園入故鄉社火村中延廟

貌時來鷹隼叫長楊王公剪為帳里社神

高士行祠社樹前我生蘋藻已三傳春深夜靜龍潛

下細雨融為太極泉孫真人祠先曾祖建

獨弄白雲烟靄間疎鐘抱麓暮忘還西崖虎阜遙通

月五里龍泉半在山潁山南麓有王公廟予少時讀書于此

市上編茅古押衙逃名說劍水西涯流傳皂莢千餘

歲紫蒂還開二月花薛市有押衙洪隱居遺跡數處

巨積崔嵬百萬層唐家中葉起諸陵青岑墨玉旋隨

關篆籀光鋳到處微唐陵下有洞產石名墨玉取鑄碑牌甲于天下

富平縣志 卷八 詩 三

北史風流魏孝文雲中雒下見高墳何人鹵莽釐邦

祭却遺頻西俎豆分魏孝文初葬維陽後遷雲中今邑所祀者誤以西魏文帝當之

北郭鴻臚利涉橋層城衢巷立茗蕘春和出就溫泉

浴澹蕩東風碧柳條邑北門外有李公橋

天岳高壇敞戶庭大雩飛旆滿林垌時鞭白虎搜溟

渤咫尺風雷肅萬靈邑東門外有岳廟禱雨之所

神禹荆山鑄鼎宮古坊疎豁送春風我來下馬頻瞻

拜南望川流砥柱中荆山為大禹鑄鼎處遺宮尚存

太后垂衣西漢初還鄉城郭竟何如廟宮突兀歸浮

嶺環珮中霄響玉除薄太后廟在浮原上還鄉城太后成屬所居

盤龍蘭若孝廉村海內知交遠到門未得茂陵獻遺

草東阿一破碧苔痕

劉雨化解元著書盤龍寺東阿謂大令曹禹疏亦嘗憩此

粉堞如雲儼故城谿迴新水漲香杭競傳疏鑿劉明

府新導川梁帶郭行

縣故城在郊南溫泉水舊不相通劉公於北門橋上聯石渠始

南行開稻田數百頃

甃石為渠大有秋臨谿學圃足忘憂甘泉獨向祠中

取碧水翻來橋上流

北郭多蔬圃又城內鹹鹵惟王公正志祠有甜水井

西村別墅鄭公陔十畝清涵鵝鴨池虎嘯龍吟深悵

望松蟠栢老正栖遲

西村村名唐魏鄭公別墅

野郭爭知賈園仙殘碑磨滅漫經年香林手澤懷先

富平縣志

卷八 詩

六

蹟世講瑯琊喬梓賢

賈村為閩仙故居舊有碑今亡先考貞與大癡先生同業西寺

學使文石又與余善

龍門古寺聰明泉步屨唐時詠數賢好事沈翁初發

興開山鑿雒又何年

龍門村有聰明泉唐賢分詠石碑在焉沈逢溪高士始表出之

又云鑿三尺嶺可引雒水南流惜事未集

司徒受采漆沮陽十里渠田徧插秧密樹穠花愁薄

暮楊雲指點說迴塘

莊鎮為李司徒光弼采田舊有碑楊雲謂聖如高士

日貫長虹白刃流香寧壯氣拔寒湫至今歲祀馨廓

庶清議猶傳柳柳州

梁孝子悅香寧村人柳州復仇議即其事

美田千頃自依然古邑今為野市廛每向荒亭瞻太

宰諸孫種杏說編年太史張公鵷菴先生故善方脈後人能繼

流曲輕風盪麥花武皇收獵駐龍牙荒祠零落留軒

冕野老春盤走萬家流曲鎮漢武帝出獵經此遺廟存焉

重耳驅車虎視偏從亡諸佐復森然渭陽曾別秦公

子村鎮佳名紀到賢到賢鎮晉文公暨諸臣去秦經此鎮以得名

萬斛山前一繡衣晴嵐猶照故柴扉公孫詞翰裁通

籍忝附絲蘿把臂稀繡衣謂楊公斛山先生曾孫雲玖余之姑丈時多外遊

明月東遮金粟峯青蓮跌坐有遺蹤傳聞六月垂甘

露伏劒空匡制毒龍類山亦名明月山東有山曰金粟相傳太士降山下紅眼村為

女年十五六不言適巨蟒肆害大士乘之至山上遂坐化

富平縣志 卷八 詩 元

類山南去接粉榆趙老投荒避市衢肘後隱文兼利

物高秋騎虎動虬鬚趙老與孫真人同時結菴類山之上每與居人療病則乘虎而

往見邑舊志

真人拔宅自何年子姓千羣各異廬我亦源流叨自

出白雲丹竈一蒼然唐時田真人白日上昇外氏之遠祖也

東市葫蘆六尺強碧莖綠葉滿園芳往聞冢宰談佳

味朱汗雙馱入帝鄉冢宰謂孫太保公立山先生

王節母詩 王士正新城人

一從解組只閒吟節孝當前最傾心渭曲女師王母

見雲霞願照北堂深

孫真人祠

朱樹滋

何期六代有高人  
太白山高憩隱淪  
栢鎖藥欄花不老  
香凝龍窟洞長春

南湖書院四時吟

喬履信

一灣綠水護門前  
殘雪含牕帶曉烟  
桃李怯寒新綻  
未東風已放草芊芊

閒揭南牕一撫琴  
薰風有譜正堪尋  
前溪菡萏花初  
放細把清香助冷音

硯北菊花早放香  
城南草色半青黃  
砧聲冷伴書聲  
起雁寫遙空字幾行

富平縣志

卷八 詩

三

階前流水又成冰  
寒色全分入夜燈  
注酒瓶梅香欲  
透春光浮動雪猶凝

前題和韻

張雄圖

晴暉飛入小窻前  
草色連窻吐碧烟  
可信寸懷生意  
滿春風吹處已綿芊

聲聲水弄不絃琴  
千箇竹連梧十尋  
把卷長吟欣書  
永雛鶯偏解和清音

芳桂連階浥露香  
雁聲寒叫月昏黃  
乍疑藥榜新標  
出雲外高懸第一行

一條溪水蹙蛟冰  
削映元堂半夜澄  
界破青松拖白

練欲偷句法仿徐凝

留別南湖書院諸生

南湖書院山長管世銘武進人

城南類揖魯諸生曉日春衣湖上行  
跋馬到門先一笑杏花風外讀書聲

繞砌扶疎竹樹嘉棠梨含蕊牡丹芽  
不知身手何人健添種靈和殿裏花

半規破視三錢筆屣履爭趨月旦門  
早識交深滋別淚不輕肝膽向人論

敢擬傳衣付後塵一編初不鬪時新  
烏皮几畔如相憶披卷依然對故人

富平縣志 卷八 詩

三

一代孫楊有大名關中豪傑李天生  
枌榆未必無耆舊莫捨家雞事遠征

西亳喬公遺愛留規模重大記崔侯  
他時俎豆邦人永庶下還聞趙德不

王翦列傳 以下文

漢 司馬遷

王翦者頻陽東鄉人也少而好兵事  
秦始皇始皇十一年翦將攻趙闕與破  
之拔九城十八年翦將攻趙歲餘遂拔  
趙趙王降盡定趙地為郡明年燕使荆軻  
為賊於秦秦王使王翦攻燕燕王喜走  
遼東翦遂定燕薊而還秦使翦子王賁  
擊荆荆兵敗還擊魏魏王



降遂定魏地秦始皇既滅三晉走燕王而數破荆師  
秦將李信者年少壯勇嘗以兵數千逐燕太子丹至  
於衍水中卒破得丹始皇以爲賢勇於是始皇問李  
信吾欲攻取荆於將軍度用幾何人而足李信曰不  
過用二十萬人始皇問王翦王翦曰非六十萬人不  
可始皇曰王將軍老矣何怯也李將軍果勢壯勇其  
言是也遂使李信及蒙恬將二十萬南伐荆王翦言  
不用因謝病歸老於頻陽李信攻平與蒙恬攻寢大  
破荆軍信又攻鄢郢破之於是引兵而西與蒙恬會  
城父荆人因隨之三日三夜不頓舍大破李信軍入  
富平縣志

卷八 傳

三

兩壁殺七都尉秦軍走始皇聞之大怒自馳如頻陽  
見謝王翦曰寡人以不用將軍計李信果辱秦軍今  
聞荆兵日進而西將軍雖病獨忍棄寡人乎王翦謝  
曰老臣罷病悖亂唯大王更擇賢將始皇謝曰已矣  
將軍勿復言王翦曰大王必不得已用臣非六十萬  
人不可始皇曰爲聽將軍計耳於是王翦將兵六十  
萬人始皇自送至灞上王翦行請美田宅園池甚衆  
始皇曰將軍行矣何憂貧乎王翦曰爲大王將有功  
終不得封侯故及大王之嚮臣臣亦及時以請園池  
爲子孫業耳始皇大笑王翦既至關使使還請善田

者五輩或曰將軍之乞貸亦已甚矣王翦曰不然矣  
秦王怛而不信人今空秦國甲士而專委於我我不  
多請田宅爲子孫業以自堅顧令秦王坐而疑我矣  
王翦果代李信擊荊荆聞王翦益軍而來乃悉國中  
兵以拒秦王翦至堅壁而守之不肯戰荆兵數出挑  
戰終不出王翦日休士洗沐而善飲食撫循之親與  
士卒同食久之王翦使人問軍中戲乎對曰方投石  
超距於是王翦曰士卒可用矣荆數挑戰而秦不出  
乃引而東翦因舉兵追之令壯士擊大破荆軍至蘄  
南殺其將軍項燕荆兵遂敗走秦因乘勝畧定荆地  
富平縣志

卷八

傳

三

楊爵本傳

明史

楊爵字伯珍富平人年二十始讀書家貧燃薪代燭

耕隴上輒挾册以誦兄爲吏忤知縣繫獄爵投牒直

之竝繫會代者至爵上書訟寃代者稱奇士立釋之

資以膏火益奮於學立意爲奇節從同郡韓邦奇遊

遂以學行名登嘉靖八年進士授行人帝方崇飾禮

文爵因使王府還上言臣奉使湖廣賄民多菜色挈

筐操刃割道殍食之假令周公制作盡復於今何補  
老羸饑寒之衆奏入被命旨久之擢御史以母老乞  
歸養母喪廬墓冬月笄生推車糞田妻饁於旁見者  
不知其御史也服闋起故官帝經年不視朝歲頻旱  
日夕建齋醮修雷壇屢興工作方士陶仲文加宮保  
而太僕卿楊最諫死翊國公郭勛尚承寵用事二十  
年元日微雪大學士夏言尚書嚴嵩等作頌稱賀爵  
撫膺太息中宵不能寐踰月乃上書極諫曰今天下  
大勢如人衰病已極腹心百骸莫不受患卽欲拯之  
無措手地方且奔競成俗賂賂公行遇災變而不憂

富平縣志

卷八 傳

十四

非祥瑞而稱賀讒諂面諛流爲欺罔士風人心頹壞  
極矣淨臣弗一日益遠而快情恣意之事無敢齟齬  
於其間此天下大憂也去年自夏入秋恆陽不雨畿  
輔千里已無秋禾旣而一冬無雪元日微雪卽止民  
失所望憂旱之心遠近相同此正撤樂減膳憂懼不  
寧之時而輔臣言等方以爲符瑞而稱頌之欺天欺  
人不已甚乎翊國公勛中外皆知爲大奸大蠹陛下  
寵之使稔惡肆毒羣狡趨赴善類退處此任用匪人  
足以失人心而致危亂者一也臣巡視南城一月中  
凍餒死八十人五城共計未知有幾孰非陛下赤子

欲延須臾之生而不能而土木之功十年未止工部  
屬官增設至數十員又遣官遠修雷壇以一方士之  
故腴民膏血而不知恤是豈不可以已乎况今外寇  
跳梁內盜竊發加以頻年災沴上下交空尙可勞民  
糜費結怨天下哉此興作未已足以失人心而致危  
亂者二也陛下卽位之初勵精有爲嘗以敬一箴頒  
示天下矣乃數年以來朝御希簡經筵曠廢大小臣  
庶朝參辭謝未得一睹聖容敷陳復逆未得一聆天  
語恐人心日益怠媮中外日益渙散非隆古君臣都  
俞吁咈協恭圖治之氣象也此朝講不親足以失人  
富平縣志

卷八 傳

三

心而致危亂者三也左道惑衆聖王必誅今異言異  
服列於朝苑金紫赤紱賞及外方夫保傅之職坐而  
論道今舉而昇之奇邪之徒流品之亂莫以加矣陛  
下誠與公卿賢士日論治道則心正身修天地鬼神  
莫不祐享安用此妖誕邪妄之術列諸清禁爲聖躬  
累耶臣聞上之所好下必有甚近者妖盜繁興誅之  
不息風聲所及人起異議貽四方之笑取百世之譏  
非細故也此信用方術足以失人心而致危亂者四  
也陛下臨御之初延訪忠謀虛懷納諫一時臣工言  
過激切獲罪多有自此以來臣下震於天威懷危慮

揚最言出而身死近日贊善羅洪先等皆以言罷斥  
國體治道所損甚多臣非爲最等惜也古今有國家  
者未有不以任諫而興拒諫而亡忠蓋杜口則讒諛  
交進安危休戚無由得聞此阻抑言路足以失人心  
而致危亂者五也望陛下念祖宗創業之艱難思今  
日守成爲不易覽臣所奏賜之施行宗社幸甚先是  
七年三月靈寶縣黃河清帝遣使祭河神大學士楊  
一清張璠等屢疏請賀御史鄞人周相抗疏言河未  
清不足虧陛下德今好談喜事之臣張大文飾之佞

富平縣志

卷八

三

風一開獻媚者將接踵屢罷祭告止稱賀詔天下臣  
民毋奏祥瑞水旱蠲免即時以聞帝大怒下相詔獄  
拷掠之復杖於廷諭韶州經感而諸慶典亦止不行  
及帝中年益惡言者中外相戒無敢觸忌諱爵疏言  
符瑞且詞過切直帝震怒立下詔獄拷掠重囚輿棄  
關以五木死一夕後寔所司請送法司擬罪帝不許  
命嚴錮之獄卒以帝意不測屏其家人不許納飲食  
屢濱於死處之泰然既而主事周天佐御史浦鑑以  
救爵先後死獄中自是無敢救者踰年工部員外  
郎劉冠再請給事中劉怡皆以言事同繫歷五年

不釋至二十四年八月有神降於乩帝感其言立出  
三人獄未踰月尙書熊浹疏言乩仙之妄帝怒曰我  
固知釋爵諸妄言歸過者紛至矣復令東廠追執之  
爵抵家甫十日校尉至與其麥飯畢卽就道尉曰盍  
處置家事爵立屏前呼婦曰朝廷逮我我去矣竟去  
不顧左右觀者爲泣下比三人至復同繫鎮撫獄桎  
梏加嚴飲食屢絕適有天幸得不死二十六年十一  
月大高元殿災帝禱於露臺火光中若有呼三人忠  
臣者遂傳詔急釋之居家二年一日晨起大鳥集於  
舍爵曰伯起之祥至矣果三日而卒隆慶初復官贈  
富平縣志

卷八 傳

三

光祿卿任一子萬歷中賜諡忠介爵之初入獄也帝  
令東廠伺爵言動五日一奏校尉周宣稍左右之受  
譴其再至治厥事太監徐府奏報帝以密論不宜宣  
亦重得罪先後繫七年日與怡魁切劘講論忘其困  
所著周易辨說中庸解則獄中作也

孫丕揚本傳

明史

孫丕揚字叔孝富平人嘉靖三十五年進士授行人  
擢御史歷按畿輔淮揚矯然有風裁隆慶中擢大理  
丞以嘗劾高拱拱門生給事中程文誣劾丕揚落職  
候勘拱罷事白起故官萬歷元年擢右僉都御史巡

撫保定諸府以嚴爲治屬吏皆惴惴按行關隘增置  
敵樓三百餘所築邊牆萬餘丈錄功進右副都御史  
中官馮保家在畿內張居正屬爲建坊丕揚拒不應  
知二人必怒五年春引疾歸其冬大計京官言路希  
居正指劾之詔起官時調南京用御史按陝西者知  
保等憾不已密諷西安知府羅織其贓知府遣吏報  
御史吏爲虎噬及再報則居正已死事乃解起應天  
府尹召拜大理卿進戶部右侍郎十五年河北大饑  
丕揚鄉邑及鄰縣蒲城同官至採石爲食丕揚傷之  
進石數升於帝因言今海內困加派其窮非止啖石

富平縣志

卷八 傳

三

之民也宜寬賦節用罷額外徵派及諸不急務損上  
益下以培蒼生大命帝感其言頗有所減罷尋由左  
侍郎擢南京右都御史以病歸召拜刑部尙書丕揚  
以獄多滯囚由公移牽制議刑部大理各置籍凡獄  
上刑部次日卽詳讞大理大理審竟次日卽還刑部  
自是因無淹繫尋奏五歲方恤刑恐冤獄無所訴請  
敕天下撫按方春時和令監司按行州縣大錄繫囚  
按察使則錄會城囚死罪矜疑及流徒以下可原者  
按以達於朝期毋過夏月輕者立遣

以爲

卷八

三

事帝稱善優詔褒納自是刑獄大減有內豎殺人逃  
匿禁中丕揚奏捕卒論戍改左都御史陳臺規三事  
請專掌印重巡方人巡城著爲令已又言閭閻民瘼  
非郡邑莫濟郡邑吏治非撫按監司莫清撫按監司  
風化非部院莫飭請立約束頒天下獎廉抑貪共勵  
官箴帝咸優詔報許二十二年拜吏部尙書丕揚挺  
勁不撓百僚無敢以私干者獨患中貴請謁乃創爲  
掣籤法大選急選悉聽其人自掣請寄無所容一時  
選人盛稱無私然銓政自是一大變矣二十三年大  
計外吏九江知府沈鐵嘗爲衡州同知發巡撫秦燿  
富平縣志

卷八 傳

三

罪江西提學僉事馬猶龍嘗爲刑部主事定御史祝  
大舟贓賄遂爲庇者所惡考功郎蔣時馨黜之丕揚  
不能察及時馨爲趙文炳所劾丕揚力與辨雪謂釁  
由下此呂此呂坐逮丕揚又力詆沈恩孝於是恩孝  
及員外郎岳元聲連章許丕揚丕揚請去甚力其冬  
帝以軍政故貶南京言官三十餘人丕揚猶在告偕  
九卿力諫弗納已而帝惡大學士陳于陞論救謫諸  
言官邊方丕揚等復抗疏諫帝益怒盡除其名初帝  
雖以夙望用丕揚然不甚委信有所推舉率用其次  
數請起廢輒報罷丕揚以志不行已懷去志及是杜



門踰半歲疏十三上不報至四月溫諭勉留乃復起視事主事趙學仕者大學士志臯族弟也坐事議調文選郎唐伯元輒注饒州通判俄學仕復以前事被訐給事中劉道亨因劾吏部附勢語侵丕揚博士周獻臣有所陳論亦頗侵之丕揚疑道亨受同官周孔教指獻臣又孔教宗人益疑之復三疏乞休最後貽書大學士張位懇其擬旨允放位如其言丕揚聞則大恚謂位遂已上疏詆位及道亨孔教獻臣思孝甚力帝得疏不直丕揚位亦疏辯求退帝復詔慰留而位同官陳于陞沈一貫亦爲位解丕揚再被責讓

富平縣志

卷八 傳

四

許馳傳去久之起南京吏部尙書辭不就及吏部尙書李戴免帝難其代以待郎楊時喬攝之時喬數請簡用尙書帝終念丕揚廉直三十六年九月召起故官屢辭不允明年四月始入都年七十有八矣三十年大計外吏黜陟咸當又奏舉廉吏布政使汪可受王佐張偲等二十餘人詔不次擢用先是南北言官羣擊李三才王元翰連及里居顧憲成謂之東林黨而祭酒湯賓尹論德顧天竣各收召朋徒干預時政謂之宣黨崑黨以賓尹宣城人天竣崑山人也御史徐兆魁喬應甲劉國縉鄭繼芳劉光復房壯麗給

事中王紹徽朱一桂姚宗文徐紹吉周永春輩則力排東林與賓尹天峻聲勢相倚大臣多畏避之至是繼芳巡按浙江有僞爲其書抵紹徽國縉者中云欲去福清先去富平欲去富平先去耀州兄弟又言秦脉斬斷吾輩可以得志福清謂葉向高耀州謂王國王圖富平卽丕揚也國時巡撫保定圖以吏部侍郎掌翰林院與丕揚皆秦人故曰秦脉蓋小人設爲挑激語以害繼芳輩而其書乃達之丕揚所丕揚不爲意會御史金明時居官不職慮京察見斥先上疏力攻圖并詆御史史記事徐縉芳謂爲圖心腹及圖縉富平縣志

卷八 傳

聖

芳疏辯明時再劾之因及繼芳僞書事國縉疑書出縉芳及李邦華李炳恭徐良彥周起元手因以爲五鬼五人皆選授御史候命未下者也當是時諸人日事攻擊議論紛呶帝一無所問則益植黨求勝朝端閔然及明年三月大計京官丕揚與侍郎蕭雲舉副都御史許宏綱領其事考功郎中王宗賢吏科都給事中曹于汴河南道御史湯兆京協理御史喬允升佐之故御史康丕揚徐大化故給事中鍾兆斗陳治則宋一韓姚文蔚主事鄭振先張嘉言及賓尹天峻國縉咸被察又以年例出紹徽應甲於外羣情翕服

而諸不得志者深銜之當計典之初舉也北京謂明時將出疏要挾以激丕揚丕揚果怒先期止明時過部考察特疏劾之旨下議罪而明時辨疏復犯御諱帝怒褫其職其黨大譁謂明時未嘗要挾北京祇以劾圖一疏實之爲圖報復於是刑部主事秦聚奎力攻丕揚爲賓尹大化國縉紹徽應甲嘉言辨時部院察疏猶未下丕揚奏趣之因發聚奎前知績溪吳江時貪虐狀帝方向丕揚亦褫聚奎職由是黨人益憤謂丕揚果以僞書故斥紹徽國縉且二人與應甲嘗攻三才元翰故代爲修隙議論洶洶宏綱聞而畏之

富平縣志

卷八 傳

三

累請發察疏亦若以丕揚爲過當者黨人藉其言益思撼丕揚禮部主事丁元薦甫入朝慮察疏終寢抗章責宏綱因盡發崑宣黨構謀狀於是一桂繼芳永春兆魁宗文爭擊元薦爲明時等訟寃賴向高調護至五月察疏乃下給事中彭惟成南京給事中高節御史王萬祚曾成易猶攻訐不已丕揚以人言紛至亦屢疏求去優詔勉留先是楊時喬掌察斥科道錢夢臯等十人特旨留任至是丕揚亦奏黜羣情益快丕揚以白首趨朝非薦賢無以報國先後推轂林居香碩若沈鯉呂坤郭正域卽度蔡悉顧憲成趙南星

鄒元標馮從吾于玉立高攀龍劉元珍龐時雍姜士昌范涑歐陽東鳳輩帝雅意不用舊人悉寢不報不揚又請起故御史錢一本等十三人故給事中鍾羽正等十五人亦報罷不揚齒雖邁帝重其老成清德眷遇益隆而不揚乞去不已疏復二十餘上既不得請則於明年二月拜疏徑歸向高聞之急言於上詔令乘傳且敕所司存問既而不揚疏謝因陳時政四事帝復優詔報之家居二年卒年八十三贈太保天啓初追諡恭介

本朝副總戎九疇陳公傳

寶鳳輝 邑人

富平縣志

卷八 傳

三

公姓陳氏名範字九疇其先太原人明洪武時遠祖徙關中卜居富之南鄉父忠心爲明諸生有聲後爲闖寇迫脅不屈死忠心弟正心任河南營守備崇貞十四年流賊陷城戰死正己中康熙戊子鄉榜知大興縣有政績俱載邑乘公生而趨健絕倫貌魁偉身長七尺有餘力能止奔馬挽二十石弓以京衛學籍中康熙癸卯北闈武舉丁未成進士授直隸宣府守備尋擢廣東碣石遊擊鎮甲子所會海寇劉銘等因赴高州舟楫阻風停泊甲子港公偵實用大炮飛擊

溺死千餘人又於險要設伏截殺之賊衆大敗  
奏

聞奉

旨獎賞康熙十七年四月二十六日事也越兩年二  
月二十八日海賊五六千人駕巨船二百餘隻  
直犯甲子所船用鐵索聯貫蜂攢蟻集勢甚猖  
獗公時方晏客飛報數次賓僚皆驚懼失常而  
公飲啖如故陽若不知者密授士卒方畧夜二  
鼓飛艇海上對賊舟布放火炮一時檣櫓皆著  
乘勢攻擊殲滅殆盡黎明適大雨逃免者纔數

富平縣志

卷八 傳

四

十人是歲進征磊石門暨甌汀背海口俱有軍  
功初賊於潮海列營磊門據險爲犄角勢三月  
二日公奉調征海山島夾擊破之明日破百洲  
島四月十五日進征潮海夜逼賊營揮鞭直搗  
中堅不移時破之遂攻磊石門挽牌先登立拔  
之數日內連戰連捷賊衆望風遁跡至云須避  
關西張桓侯以其面黑且豐鬚也二十九日賊  
兵犯海山島口戰敗之五月十九日攻打甌汀  
背海口先一日馳至賊壘出其不意掩殺逐北  
賊首鄭宏儒亡命走南澳未幾合諸路兵進勦

遂盪滅焉二十一年從大兵平臺灣沿海悉定  
論功陞賞除甘州城守叅將二十八年陞福建  
汀州副將明年巨寇朱紹僖嘯聚龍門山永定  
歸化諸邑大擾公慮遷延歲月遺害地方出奇  
計伏勇健山峪間陽檄旁郡合圍伺賊守少懈  
潛引本部兵攀緣而上一鼓殄滅民賴以安康  
熙三十年卒於汀州官署年五十七歲公性至  
孝早歲失怙事祖父母母皆能得其歡心筮仕  
後廉以持已嚴以率屬與士卒同甘苦信賞必  
罰人樂爲用歿之日軍民感念歷任地方成立

富平縣志

卷八 傳

聖

碑記德陝西通志富平縣志並載

黨起孟傳

西安田錫莘 汾陽人

黨翁起孟字鴻儒富平人處士 余友孔武君之

父也世業耕讀考元勳公持家嚴翁幼承庭訓  
性樸誠樂善總角時見警者過導之出閭門曰  
我不忍其俵俵也事父母身先諸弟母先逝父  
年近暮每食必進肉顧家貧不可常得乃與屠  
者約日貫一臠旋典衣物償之不令父知父年  
七十餘卒附身之物竭力營辦擗踊哀毀見者  
惻然初母病篤聞櫟陽有良醫奔赴求藥未半

日往返百餘里人咸奇之弟輩議析產翁曰若  
以爲父母死乎不得已推與善美債負則獨肩  
之配宋氏繼劉氏並能相夫事親相繼歿嗣君  
以父年老身遊遠幕買一女歸俾侍寢抵暮背  
燈而泣婉詢之知爲守節婦迫饑寒再醮明日  
遣還仍濟以貲焉辛卯饑傾囊周恤居恆督耕  
課讀雅不好暇逸年八十無病而終嗣君注選  
布政司理問孫植弱冠入庠次孫楠頭角嶄然  
俱徵遠到器余與嗣君交且久耳熟芳躅特爲  
傳述使人知盛德獲報而相勉以篤誠卽以厚

富平縣志

卷八 傳

吳

我風俗云

復讐狀

唐 韓愈

右伏奉今月五日敕復讐據禮經則義不同天徵法  
令則殺人者死禮法二事皆王教之端有此異同必  
資論辨宜令都省集議聞奏者朝議郎行尙書職方  
員外郎上騎都尉韓愈議曰伏以子復父讐見於春  
秋見於禮記又見周官又見諸子史不可勝數未有  
非而罪之者也最宜詳於律而律無其條非闕文也  
蓋以爲不許復讐則傷孝子之心而乖先王之訓許  
復讐則人將倚法專殺無以禁止其端矣夫律雖本

於聖人然執而行之者有司也經之所明者制有司者也丁寧其義於經而深沒其文於律者其意將使法吏一斷於法而經術之士得引經而議也周官曰凡殺人而義者令勿讐讐之則死義宜也明殺人而不得其宜者子得復讐也此百姓之相讐者也公羊傳曰父不受誅子復讐可也不受誅者罪不當誅也誅者上施於下之辭非百姓之相殺者也又周官曰凡報仇讐者書於士殺之無罪言將復讐必先言於官則無罪也今陛下垂意典章思立定制惜有司之守憐孝子之心示不自專訪議羣下臣愚以爲復讐之名雖同而其事各異或百姓相讐如周官所稱可議於今者或爲官所誅如公羊所稱不可行於今者又周官所稱將復讐先告於士則無罪者若孤稚羸弱抱微志而伺敵人之便恐不能自言於官未可以爲斷於今也然則殺之與赦不可一例宜定其制曰凡有復父讐者事發具其事申尚書省尚書省集議奏聞酌其宜而處之則經律無失其指矣

東西女學洞記

杜光庭

長安富平縣北定陵後通關鄉入谷二十餘里有二洞一名東女學一名西女學其東洞崖壁懸絕洞口



在崖面躋攀不及夜往往聞讀書聲西洞約有路可到洞門近門一石室可容二十人有人秉燭入洞行二十里兩壁有五門各有題記或通蓬萊及諸仙境近年有石摧下塞洞口不通又山頂有一天井直下深二丈許有自然橫石旁出石下天井亦二丈餘可通人過其底旁有崖龕梯磴而上屈曲甚廣龕內有道經數萬卷置栢木板床上一石人俛首憑案坐形如生井底有投簡委積朽爛不可數大順中富平奉道人姓徐行七曾取養生經出外傳寫卻送洞中又行二十餘里有三泉出谷中有石嵌可容三百人谷

富平縣志

卷八

記

吳

內有三石盆各廣丈餘湧泉常滿古老云時有仙人浴此人犯之立致雷雹損苗稼東女學有神鵬護洞門人或侵犯鵬輒擊之古某道流刻五石人置山上民有鋤禾者爲鵬所驚走避石人下置笠石人頭上鵬卽擊石人頭殞今見在

孫眞人行祠記

明李宗樞

眞人姓孫氏諱思邈京兆華原人也沒世人目爲眞人故人到於今稱之云華原之東有山曰五臺山有宮曰大元乃眞人舊隱之地故俗歲二月四境羣生老稚婦子或祈或報率邇者踵武邇聽者風聲於是

靈響布濩逢涌原泉沕涌曼羨異域遐方勞魄四塞  
維朝迨夕靡不宣臻喁喁如也富平爲華原屬邑相  
距伊邇邑人有李慶也者數陟神宮肇殫虔慮乃嘉  
靖戊戌中春之月因佛堂之廢址建眞人之行祠復  
割壤捐金鴻基駿制於時里人邑老鱗集相工又明  
年庚子之夏厥役告竣門垣殿宇秩秩麟麟流輝絢  
彩竄浮罔帶渠水面城倚郭皇皇哉茲土之具瞻一  
念之精意咸可尙也慨夫世教凌夷民心淪喪眞風  
告逝大僞斯興重鉢兩輕道義相夷相猶雖至親或  
弗能容也孰謂輕財重義有夫夫者哉厥被風濡化  
富平縣志

卷八 記

吳

者邇陞沉潛遐闊濯沐熙熙丕變豈不懿與嘗觀唐  
史眇覲元風眞人以聖童之稟典墳卽索博覃旁通  
鏡照數埋洞齡醫學觀其肥遯居貞不拜隋文之命  
豫知唐運之隆應召京師不受祿秩而竟老且死可  
謂卓哉茂士視世之糜好爵味時變者天壤矣因斯  
人以談靈彩煥騰神爽焱逝如日麗空如水行地殆  
無遠弗届雖百世未泯也矧奉妥於茲明禋明饗有  
不居歆者哉自夫有舉木空衣之說而徼福者生有  
昆明救危之說而禱疾者作論雖相襲事頗不經余  
罔敢知邑少府秋原許君嘉樂是役助轄貞珉慶也

述建置之原總經營之役以告石疊山人山人曰俞  
乎余其記哉乃抽筆命辭爰紀厥績誕告來世

重修縣署記

劉兌

余不佞碌碌於世無當也自萬歷庚辰隨牒入關季  
夏二日始底富平如其境見民惛惛然若不理生者  
余因詢田父告之故則以差役旦旦產單民孱將棄  
其業四流余惴焉惙思一日安集之而後朝食矣不  
敢輕舉一役也及如邑見百凡荒陋大門藁藁培塿  
出地上則故爲鐘樓自地震圮矣由門而入見衙宇  
解舍舉皆頽垣顛壁且時當秋夏交雨淫淫蟬數日

富平縣志

卷八 記

辛

屋宇盡壞家人晝夜戒嚴皇皇然計爲木椽席覆嗣  
是而妻孥相繼告病矣余益惴焉惙欲不修理幾不  
可一朝屛欲卽爲修理余當筮仕日上下屬耳目一  
輕舉而上以消功單賄恐喝而下適適然驚余雅志  
安集其謂之何因猶豫不能自決也選間自思曰嘗  
考往哲言天下事有必不可一日因者然後與民議  
更而此署舍廼必不可一日因者也宜更之遂檢笥  
中七十二金易木石僦斃草圖練召匠計凝土度木  
其徒庸則取之在官有事則猶然供故役無事則令  
役工每一役輸力大率以五日計諸役完而工就緒

矣是役也不費一官金不役一民力經營於季夏中旬落成於孟冬初旬前修大門三楹左右壁俱甃石包砌由親民堂退修思政堂五楹前有門垣東有夾室由思政堂退修寢室三楹東西旁室各二楹又後移前鐘樓故土址砌甃樓三楹其高與親民堂等左右轉角各五楹樓之後隙地一區可蒔花竹故有小樓一楹少爲粉飾亦足供玩大都前後所修不能効他郡邑宏麗雄偉然朴實渾堅似可垂久者余之爲此舉也堪輿家謂親民堂以後地勢最下退食自公若投井然白內親事若躡山然前昂後低宅勢坐虛

富平縣志

卷八 記

至

垂二百年來縣令未見遷陟者故職此余第以室家不蔽風雨弗得一夕安枕且不敢以傳舍視便苟安是以不能相安無事役黜陟自其官致之堪輿言妄矣弗信也不則署舍而可仍也余豈敢爲遷秩故僕僕爲哉工完縉紳人士請紀其事余惴焉益思因謂興作重事古人恆再討慎也余志在安集百姓不欲興事爲百姓紛紜今因所值否余冒然舉焉其以輕舉罪我者余尙不知何說之解顧欲示今傳後何令嗶嗶我者無窮也縉紳人士復固請曰公何自抑若此耶今時之弊民安於偷惰治憚於更張法病於拘

學吏嫌於操切邑務廢弛其間有奮臂興者則請官帑金役閭閻力百姓駭然煩費矣公此舉金出自箝中力取諸官役數十年陋制一旦煥然百姓安集不知也公宜勒石以示後之興事者余猶惴焉思不能拂其請是爲記

### 建丞署記

夫建置之役亦艱矣哉矧邑丞之有是舉也艱且甚何也邑兆民庶務專一令其注措改張由己悉獨邑丞有所施又不能亡所制有所動又不能亡所牽此以知艱且甚已富平當國初時設丞二一典馬一典

富平縣志

卷八 記

五

賦其公署二傍令署路廟間汰丞一取兩署合之顧其地傾以陷制亦狹以小自芮君弼逮朱君道深垂二百年歷四十七賢豪亡一易者洎莊廟起並丞一又汰焉繇是門亡一入室亡一寓而壁宇圯墟者越數年所已今皇帝十年兩臺疏覆舊尋報可乃開補卽高丞云未下車請地於邑令劉鍾所氏卜原址西廠之以延計廿度而近以表計什度而遙下車出所攜數十金一棟一甌一礎一石悉手置問經始則二月之朔問落成則五月之望其爲制也大門一二門

大廳三

三

左右序各三

三

正寢三

三

左右爽室各三

三

如月

臺如踊道如內外樹靡一不具狀哉斯役翳疇之力  
邪故入其門聳乎廓如也君子曰可以觀矣造其廳  
巍巍乎邃如也君子曰可以聽矣適其寢美乎奐如  
也君子曰可以居矣賸其序若室周乎茂如也君子  
曰可以衛矣詩曰蔽芾甘棠勿剪勿伐召伯所芟其  
爲今也芟者始爲後也棠人之歌者詎一日已邪夫  
士也出而仕與而榮也顧遺而艱卒不苦於艱非厚  
養雄抱視公署如私家者獨克濟乎哉左右置石請  
記以傳永永故余得備述始末如此志艱也高丞名  
希古字子進別號鳳岡晉河東簡城人由例進士初  
富平縣志

卷八 記

三

簿扶風是丞也蓋繼仕云

重修縣學記

孫丕揚

古今天下忠臣孝子可以師萬世者孰有聖於孔子  
隆宮室備禮樂潔俎豆師事徧海內豈羣冠裳而知  
崇尚必若而聖哉其造士也談仁義文道德時較覈  
恐恐然懼納於邪又豈非欲其端趨向必若而聖哉  
富平縣故有廟甚壯麗廡門稱之歲乙卯關中震廟  
貌頽垂三十餘年隆慶壬申邑大夫史侯募士姓金  
獲若干身任之縣尉李侯至又相與贊襄爲廟齋若  
干楹戟星若干楹堂齋若干楹始克底績萬曆甲戌

聶侯乃成終焉於是問記孫丕揚丕揚曰余目學宮  
興廢而知任事之難也方其廢也墻不及肩階不可  
升堂不蔽風雨無有一造其門而開其榛蕪者而當  
途者不以爲廢比其興也對樂輸諸士工樂輸諸民  
上不損藏下不逼人不少月而甲諸郡縣士大夫物  
議起矣當是時非大夫夙清白素惠愛執強毅幾何  
而不被其擲掄以中止也顧相繼三三君子又慨然  
以興起斯文爲己任茲非聖道中天之會歟夫立政  
以崇教者大夫責也修身以見世者邑士子責也吾  
里士俗朴而實直而廉侃而信有孔氏之遺風此其  
富平縣志

卷八 記

書

去聖人之門非遠也邑鉅公開疆柄銓如鷄菴之大  
節文學政事如李石疊之巨擘許國忘身如楊斛山  
之赤忠皆學產皆先達皆聖人徒也此知效法聖人  
非難也今學儲六籍七篇中何者非聖賢齊家治國  
法度窮則談節義達不棄本根處則爲孝子出則爲  
忠臣此其尊信至規非高也吾黨諸士其信吾言耶  
其否吾言耶是則可以不詭聖訓不忝先賢不負諸  
邑大夫不則飭理道似忠節象廉潔以爲媒青紫者  
爲也而謂吾豪傑願之乎夫洛水以得兩程則名眉  
山以得三蘇則重諸賢尙早圖向往以爲鄉邦師友

光哉史侯開州人名榮勗侯當陽縣人名武李侯孝  
感人名果皆有功學務大體云

劉邑侯祠堂記

富平境內蓋三山三水云維北有頻維南有荆浮山  
則盤錯中踞總延袤計當境地什七而溫趙石河又  
相與澎湃於羣山之麓淹圮之畝無歲不報厥田固  
下下也比問田賦則河濱者稻大川者米峻嶒者波  
瀾者田而流離者亦必升斗厥賦不上上耶如是而  
欲田斯者忍饑溺樂鄉井充租稅至難矣故談治之  
本惟均田便先是主計之臣嘗倡其說有司卒未有

富平縣志

卷八 記

五

處也間有處者嘉靖中則崔侯舉隆慶初則王侯良  
策張丞志道崔法尤明豪右側目竟以謗阻百姓迄  
今憤之以故均田議寢垂十餘年莫之省劉侯則身  
任稱首務焉會司農覈天下田侯毅然詢芻蕘訪利  
病圖耕野萬全之策恐恐然惟慮幽隱之未照乃申  
田里册耕稼之數乃屈羣力簡省官之才乃諭頑民  
開隱田之路堂奧未離言遺田者數業千八百奇狀  
聞矣境人欣欣望侯至無異雲霓也侯率才官二十  
有六官分以畛授竹丈二十有四丈稽以畝有田有  
幟書至書名進必魚鱗而分寸辨界必山河而起止



明驗村落以紀肥瘠札水澤以稅高下冊等符地力予稅若冊地力浮冊等予稅從變旱澇無恐者田上上也名曰金時雨灌溉絲野平壤者銀銅之山原犢力士石人墾二而當一者錫鐵之始事歲孟夏生明告完於六月生魄得田一萬二千四百頃詭地增冊額者田蓋三千頃焉侯又簡鐵者畝以場算場一者三其畝稅一畝有半田增而稅如故計稅五萬九千九百九十石畸矣然後里以準畝人以入稅版籍明而豪俠無所措手賦役當而貧窶得以息肩民困弊稅若錮疾切身而不可推移者頓取而均平之非侯

富平縣志

卷八 記

五

力堅定幾何而不畏難以中廢也欲觀邑太平景象能耶孫丕揚曰識治之士誰不言政始經界善哉本之力行又顧如之何者富平經界議屢下矣樂畝畝而慰閭閻者則迄侯底績焉何也執度度地其難在勞侯獨單車郊垆旅舍老佛日與田農野叟辨尺寸廉腴薄垂三越月訟至卽理冊詭卽更不心服者卽履其畝紛擾至或夜鼓未食也如是而奸不神明良不怙恃得耶多口朋興任難在怨侯釐弊抑強一切法繩占逃田者懲餉忝肉者懲匿田等者懲狐鼠病已任之長短銳然於羣小嗷嗷之中而天命公法直

信之而不回非丈夫而能若是乎見利必趨難在任人侯遴才執丈推心感格發仞都邑也載禮觴豆載誓廟庭載優騎從巡行田野也壺漿侯攜寢食侯供佳節侯犒不諳練者侯教道之勤事五夜者侯燭侯之慰勞之飲食之卽長駕遠馭曾是過與故才官受事來畏不敢緩愛不忍欺終全邑之田未聞枉一事者侯之精神感召力也然則事豈虛就民豈虛附哉余采父老意謀章厥美而諸君子請又至敬載筆付諸執事者

重修八蜡祠記

周文煥 邑人

富平縣志

卷八 記

七

天子祈穀祀神報嗇尼父蜡賓啣祭不備國家以農道民其於告成報勤之典諄諄致意焉故元象轉而寒暑改則歲事告成節會至而萬物遷則八蜡報勤八蜡之祀邑之正祠也頻陽舊無祠有之自新安劉侯始劉侯蒞富政簡人和乃謂富獨無蜡此爲王政之闕也於是相吉於北廓橋右創業蜡祠迄今垂四十年摧蕩於風雨剝落於鳥鼠祠像傾頽門垣荒廢而宦遊於斯者咸傳舍日之弗葺也歲己未濟南劉侯來治茲土甫半載和風披拂千村皎月澄清萬戶實政難以枚舉窺豹僅見一班庚申春舉嘗祀禮至

蜡神祠嘆祠圮若茲何以妥靈而起敬此有司者責也廼捐俸廼計工廼掄材廼具師不數月巍如煥如神其妥如而祠於是改觀矣偶值旱魃爲虐籲祀於斯其應如響事竣屬予爲記予惟事神治民悉精意之流通一心可對神明則百念摠歸赤子若有所觸而不容已創建增新皆循良偉樹亘古需刈開厥先逾世俟補嗣厥美若有所待而不容辭昔劉公善政多端擢爲地官郎尋陟大參邑尸祝具焉今劉公政績迥邁前修聲譽颺發且也遜德具躬文章華國吾聞文星所在賢人所聚青虹動天明珠還海天地尙富平縣志

卷八 記

美

且應之又何神明不歸向也耶若夫膺明徵登華臚自分內事耳余志祠事而並述兩侯之烈願後之宦茲者因人知景觀祠起畏體王者歲成休息之意舉有司先蜡祭禽之禮其於告成報勤之際留意於祠焉庶神之有裨於民社者終不至墮廢也昔劉侯有正祠故不贅載今劉侯諱勅號五雲山東歷城人

張太宰祠碑記

唐 龍 龔 撰

昔武王陳師牧野夷齊扣馬而諫左右欲兵之武王以爲義而釋焉卒饑死首陽之下夫自有夷齊然後人臣之節顯故包胥哭於秦廷王蠋經於畫邑忠臣

節士蓋接踵而興焉自有武王然後人君之度彰故齊桓釋射鈞之憤晉文忘斬祛之讐卽五霸亦無修怨之事矣先王信以持義義以成信是故生則守官危則授命死不離次非今之夷齊乎文皇包荒含垢以體天道俾得反葬其骨曲全其家顯榮其子非今之武王乎嘉靖紀元詔天下甄錄遐遺用廣褒勸陝西叅政潘墳司其事會學官道舉先生以告墳墳卽請於撫按令其邑祠祀焉是舉也豈惟不遺先王之典型而已抑以仰照聖度如天之無不疇地之無不載乎

富平縣志

卷八 記

堯

楊斛山祠堂記

雒 遵

涇陽人

楊公諱爵號斛山關西富平人起家進士行人授河南監察御史世廟時好直言極諫瀕危數四不少挫抑時則有若太僕楊射洪最車駕楊容城繼盛皆以直聲動天下人號嘉靖間三楊云隆慶改元錄卹往忠射洪贈右僉都御史謚忠節容城贈太常少卿謚忠愍各祀於鄉公贈光祿少卿崇祀無宇巡撫董公世彥巡按劉公光國檄縣相基鳩工創祠爲堂者三楹左右廊各三楹衛以峻垣重門翼張徯編門役日供掃除焚循香火有司春秋饗祀布在公令公廕孫

詹事主簿恆問記於遵蓋記祠堂肇循歲時云祠堂告成事萬歷六年某月也往遵揔角時知慕公名高計走謁門墻觀其丰采至今有遐想焉公忠讜封草備錄石室直節正氣服在當時信於後世談者不偉其難卽高其標豈知公見道分明學識貞大危言若夷亢志若柳分義在我自盡而已曾少謂其且難耶初公從遊苑洛韓先生邦奇與容城爲同門友師友淵源夙契道眞且富平習重氣槩吏部尙書張鷟菴統以仗節祀公以獻忠祀天植其性益多於習人文世傑不愈靈其地邪嗚呼觀美墻於廟貌思景行於

富平縣志

卷八 記

卒

高山其抑風世也與西安郡守羅公惟垣雅崇先烈捐俸伐石勒碑董工乃屬新尹劉君兌

楊侯去思記

馬理

楊侯名時泰字道亨直隸正定人嘉靖己丑進士庚寅歲治吾富平是時予爲行人司行人每見邑人以事至京者卽問其爲政何如皆曰可畏哉民皆慄慄危懼而不敢犯其法矣旣而又有至者予又問焉皆曰可愛哉民皆浸浸悅服而不欲犯其法矣予卽仰而嘆曰楊侯之治富平庶幾焉可謂能也已矣夫繼前政之墜失約人心之恣放不震之以威非義也令

既行矣禁既止矣而威德之遠昭不濟之以寬非仁也或抑或揚或與或奪乃撫世酬物之大幾而爲仁義理道之時出非識微之君子不足以語此若楊侯者可不謂之能矣乎侯之御下繩之以法而不輕宥然本其忠厚慈愛之心而欲人之無所犯始雖甚嚴終歸於寬而民知愛器宇沉靜遇歲旱憂形色教民掘井種田民得免於饑孳又欲引北山之水以溉民田方有事於疏鑿以才優調劇而功不果成使當留此數月則川澤隱利爲人所食而不至於無用矣此其政蹟顯著人所懷思而可爲來世告方之前令如

富平縣志

卷八 記

空

高公應舉陳公潤李公壽昌之類名行事業可並稱而無忝然此一縣之功業耳使侯位益高而報國之心益無懈則予獲知人之名矣吁後之人其監於此

淑明王邑侯崇祀名宦記

劉士龍 邑人

王侯諱正志字淑明河南祥符人登萬歷戊戌科進士從選人來治吾邑其爲政多持大體蠲一切煩苛體貌魁梧峩眉天半而神氣冲和絕無抗而不下厲而難近者吾邑士若民神明戴之而慈母依之居無何而闢豎之禍作矣稅墻梁禾肆爲不法叅隨率游手無賴竄名其中相倚爲奸如虎而翼所至輒魚肉

諸守令莫敢誰何有來吾邑者虐使橫索恣谿壑而  
莫可饜鬪入公庭直平視且稍稍語侵侯侯怒而法  
繩之百哀乞不少貫因疏發瑞惡爲民請命永聞之  
大懼噉黨闕豎趙欽誣奏侯阻撓礦務而侯爲反中  
被逮矣開讀時爲侯抱憤者從而南至傾邑劔槩相  
磨欲甘心兩闕豎侯聞而急止之謂上謂我抗也而  
逮我若曹小不忍是再抗也愈重我罪矣怡然就道  
遮留者擁囚車三日不得行追送絡繹及關門始灑  
淚以別也侯坐詔獄中再踰期而歿訃傳至吾邑士  
若民哭泣之哀至爲罷市則所以思侯者深矣頃相  
富平縣志

卷八

記

三

之際矣闡勢方張守令之劫於積威者憚不敢伸眉  
侯出而首挫其鋒雖不免虎口而料其頭編其鬚氣  
亦少奪矣又日聞訟侯寃者膽落於飛霜之簡而疇  
昔虐焰亦有所怵而不敢肆露覆而食其德者寧惟  
吾邑則侯志亦伸矣今上聖明礦稅出一時權宜而  
法外奉行者豐蔀掩之忠良無辜陷坐覆盆如是而  
不蒙褒崇爲善者其懼矣且百世而後哀湘而詛楚  
者無之乎祀獲請則忠魂以妥舉國家褒崇之典而  
激勸寓焉卽清議之鬱而欲吐者庶幾少平矣抗闖  
豎而得禍者前惟王侯後惟滿侯而論者猶不無軒  
富平縣志

卷八記

三

輕滿當狂瀾將殺之日而應援有人王當虐燄方張  
之時而孤立無助則爲滿侯易爲王侯難也然滿猶  
金雞放歸而王竟作詔獄寃鬼則天之報滿侯者厚  
報王侯者薄矣夫薄者未定之天也血食萬年報不  
云厚乎而天終於定矣嘗讀元禮傳而竊嘆恨也破  
柱伸法無救於常侍之橫及死黨錮未聞列在俎豆  
酌一杯酒拈一瓣香者寃抑沉痛徒得千載下哀憐  
耳天實夢夢而人幾盡失之如王侯者可無憾於天  
人之際矣侯其來歆如朱仲鄉之安桐卿可也

邑侯劉焦王三公新祀名宦記



名宦鄉賢並重千古而吾邑相傳有鄉賢而無名宦  
春秋饗獻官祠間寂生則八食其德而歿不獲廟食  
於人無論祀典缺然循良無考而究所爲尊賢隆報  
之誼則吾邑之士若民迹於薄矣其年遠政湮者未  
易指數就萬歷間治行卓異者實得三令焉劉侯焦  
侯王侯是已三侯德政詳載邑乘吾撮其大者論之  
劉侯以興利焦侯以化導王侯以抗閹豎此其尤表  
表者也邑故有漆沮趙氏溫泉諸河而灌溉之利前  
此則未有聞也劉侯至而創爲疏鑿開渠而以數計  
者十有八灌田而以頃計者至於數千甌脫之區化  
富平縣志

卷八 記

畜

爲沃壤而膏澤所暨遂能與天爭權卽旱魃爲虐而  
吾邑半有歲也蓋河水可竭而侯之德始可沒矣鄉  
約之設創自郡守曹礎石先生他有司率故事奉之  
而焦侯不然家喻戶曉舌敝而不少倦卽窮鄉山陬  
亦必有車轍馬跡焉一片婆心厚爲期而勤爲督者  
如慈父又如嚴師薰而善良而至今彬彬雅化者則  
猶其遺德餘教也被興學化蜀者侯庶幾嗣美矣礦  
稅之興也閹豎方刀兆姓方肉而諸守令方且畏之  
如虎橫肆憑陵莫敢誰何叅隨之來吾邑者殘破我  
公署鞭笞我人民王侯震怒謂令在而民不見庶與

無令而魚肉之何異焉收其豪悍者痛繩以法  
感昨指相戒而往來東北者出與避吾邑如畏途民  
雖少蘇而侯竟以此彼逮矣如護雛之雞至於搏狃  
力不及而有奮心思之至也嗟乎其難哉三侯爲德  
於吾邑者不一而所以遺愛一也三侯之愛在人而  
人之耕鑿而歌何有者相忘於三侯之愛久矣夫愛  
必忘而後至而惟其至也則有終不能忘者此三侯  
之所以終祀也然祀必遲之數十年不疑於稽報乎  
而吾不謂然論久而定思久而深故祀亦以久而後  
舉而是舉也倡之者爲今令隋侯謂其飾前令以爲  
富平縣志

卷八 記

五

後令地也非也然而有弗避也卽謂推前令以爲後  
令勸也似也然而猶未盡也仰止景行直達其所不  
容已者而他何知焉隋侯倡之而士若民起而和之  
塗歌巷舞忻赴恐後如賢祖父久遭沉淪而一聞褒  
崇輒不覺喜動顏色者亦非必戴前令以媚後令也  
自非然者而上之於下水搏沙則下之視上郵閱客  
而已亦何能久而不忘者而欲使列在俎豆卽後令  
倡之而未必和也令雖有權人各有心而權不勝心  
可奈何卽此而知三侯之所以入人者深矣三侯雖  
賢使不遇隋侯誰爲表章者有終歸湮沒已耳隋侯

此舉於三侯得顯微闡幽之意於士民遂崇德報功之心而以風示後來則又爲彌世磨鈍之機一舉而三善備焉是可記也夫是可記也夫劉侯諱兌直隸新安縣人焦侯諱承光山山西大同衛人王侯諱正志河南祥符縣人隋侯諱不矜山東壽光縣人

### 重修縣學記

田時震 邑人

吾庠自明興以來節義事功之彥視鄰邑獨顯而科甲落落晨星視鄰邑亦獨嗇憶髫年侍先君子側見其屈指儒宮興替每云自鄉先達鴻臚李公捐資重修前邑侯安肅劉公實心善葺之嗣是精彩鬱勃人

### 富平縣志

### 卷八 記

六

文煥發掄元掇魁項背相接鄉書制科鵲起蟬聯一時稱最盛焉孰謂巍巍宮墻間無靈氣挾之而行也乃歲久且隳靡漶滅無論兩齋委於草莽卽大成殿暨文昌閣薄蝕風雨岌岌欲頽青衿避寇至者率家棲廡下堂室未扃蕪穢不剪見者愴焉興愾且從來有芹宮而無黌池又數百年缺典也博士姜公與二三同志謀爲更新相與輸鏹輯縉庀材鳩工越歲得告厥成其仍舊祉而重構之者爲大成殿爲文昌閣爲東西齋題榮棗榜疏寮薨檻甃礮除序之屬無不完固堅好其卜地橋門內而剝剝之者爲泮池另廣

各如規鷗化龍翔將於是不肇端他如啓聖等祠未  
具其傾尙未遑及也工竣將伐石以表來茲僉議奎  
樓檐楹漸圯神靈坐風日中且址狹而岑峻益不禁  
浸淫之患今不葺將大敞後欲爲之費不貲矣余聞  
之愀然曰所用者少所闕者鉅余卽善貧不敢不勉  
聊湊續爲莖茨得與大殿文閣鼎峙無壞同事者求  
余言以志之竊不勝俯仰今昔之感焉昔賢獨力營  
之有餘後人合力締之不足昔賢捐千金無難色後  
人施微貲輒有吝志獨不思士人束髮時聖域賢關  
終身所尊瀆者何人義路禮門朝夕所步趨者何地

富平縣志

卷八 記

奎

精之而性道文章粗之而功名富貴罔弗竊緒餘以  
自潤顧於宮牆廟貌忍聽其廢棄而漠不相關耶嘗  
聞匹夫輕財梵宇道觀猶樂捨施不吝丹堊金碧之  
費儒者敦詩書修道德慕義向善寧其遜諸幸大義  
不絕於人心尙有量力以金錢助者獲藉手以襄成  
事是役也頻年荒祲兵燹屢警物力消耗邁時較往  
昔倍艱登疏者強半爽約銖積寸累所計無幾量材  
較往昔倍歎董事者出入糾察木屑竹頭不輕濫用  
省試較往昔亦倍加愍飭然則烏乎記日記難也記  
儉也記慎也異日時和歲稔後之君子聞風而起於

新所未備而向所未及未必不以是舉爲適越之指南云若夫聖教之廣大闡述儒宮之方域規制前人言之詳矣何俟予之贅語哉維時捐俸者學博姜君也諱輝米脂人重繕大成殿者奉常朱年友也諱國棟壬戌同榜進士僅以十餘金佐文昌閣奎樓之工者宦拙囊澁之不佞也始終綜理殫厥心力者邑庠生李林張運泰惠之介蓋一傑周有憑也其他例應書名者並列碑陰庶幾與此石共永久云爾

本朝

東濟橋記

趙兆麟

富平城郭高壘環水形勝甲於三輔東郭附近

富平縣志

卷八 記

六

有小河焉城南豐泉水遇澇則溢其水皆注於小河統歸蒲水而東流雖名小河雨暴橫流則滔浪澎湃湍悍甚猛南路豎有石梁狹小卑矮不當東郭之正衢北路舊有木梁通水濟涉奈歲時滲漏泥朽最煩修補邑紳士及竇村居民每議大建石橋而轂綰津要工鉅費繁故謀治輒輟銓部闈然周公乃與奉政封翁蒲源公籌曰邑北門外李鴻臚公釗通濟橋邑侯劉公兌引懷德渠支水從橋上南注遶城爲玉帶渠灌東郭田若干頃今於此建橋卽同通濟引

玉帶渠餘水永從橋上東注則寶村東北半臂直抵焦村可成水田其利溥哉遂捐俸市石傭力鳩工捐俸不足繼以募緣蒲源公首董厥事明萬歷四十八年庚申起天啓元年辛酉橋成渠水業已攸往橋東悉爲沃壤然橋上石欄兩岸長堤尙未竣也二年壬戌六月暴雨小河泛漲水高橋表崩其兩道祇存中道巉然孤立涉旣未便利亦弗獲至天啓四年甲子蒲源公謀之邑侯孫公如蘭又會衆鳩工運石重修周公喬梓輸貲襄助不遺餘力邑侯孫公亦捐俸勸

輸且佐以贖緩分守道史公文煥西安府陳公應元司李史公堇高陵令趙公天錫等各捐俸百金共成盛事總理仍蒲源公而督工監修則唐光濂陳以道唐大湖唐一文張茂顯等朝夕勤苦靡有倦焉起於甲子孟冬竣於丙寅季夏橋成請名於邑侯孫公利涉事小引水功巨悠悠長渠東方溥被且也北門東廓兩虹爲翼邑城壯觀百代瞻仰矣題之曰東濟橋自昔迄今三十年間其滔浪澎湃湍悍雖猛者時或見之夫何損於萬一耶橋旣成閭然周公廼於橋之

南北鑿池植蓮紅葉綠蓋掩映上下竟成一時  
之勝觀次年夏南池一莖雙花瑞蓮應報咸謂  
公之德所感焉於是因其佳兆遂於橋之南創  
建瑞蓮禪寺其寺草創未就不意閻然公於天  
啓七年丁卯七月七日捐館不數年蒲源公亦  
辭世橋工雖竣寺願未酬蒲源喬梓含喟九原  
至

大清順治丙戌丁亥閻閻然公季子有棐復施財力  
廣募善緣增置廓舍塑像裝金巍然成刹畢乃  
祖父之遺志焉兆麟於閻然公爲門下士知公  
之德最詳識公之功最稔故敢備述其始末豎  
碑垂久昭示後世惟願後之君子觀物思公更  
留心於橋之有缺損者

荆山記

韓文

富平縣志

卷八 記

七

荆山振臂於嵯峨嵯峨蓋吾鄉望西山而指爲  
日月之所入也在涇北東二十餘里濁浴河發  
源甚微若斧鑿狀直橫破而南山之陽約有五  
七十泉灌池陽田千頃近居多富節義文章則  
前輩葵心王先生千古矣七十里至坡峪卽迤  
山周割地於秦之界爲行人跡踏斷五丈許自

此皆名原蓋池陽改三原此其一也道東絕頂  
有法華寺水清樹茂遊人閒客寄棲其上東二  
里則倉旻寺爲黃巢作亂之始祖師法身尙在  
正月望婦女禱病炙栢嘗取骨祀之高閣起山  
門可臥看長安北里許有深潭幽靜絕非人間  
去村遠蹊容足一二閒遊者往還焉有水甚甘  
烹茶有異香山僧提瓦器供茗飲者去之予壬  
午間居是寺坐草枕流凡三年再一里則崑崙  
山古廟森嚴僧道各一不識爲何方人山名不  
知起自何代乃得擅河源之富東則爲荆山地

長十五里橫十里考之帝王世紀及邑志則大  
禹鑄鼎處又名掘陵原以唐末陵多掘云知者  
唯指爲荆山知非黃帝鑄鼎嗟峨之荆山也漢  
以放象再讀唐詩固知草深林密吾家有屋梁  
自祖父相傳爲山上木又按少陵有渭北春天  
樹之句可據也而今多懇田予再居羅漢洞讀  
書有僧掘地得石碣尺許書至元元年開田百  
畝此蓋自元時已然山之中則有唐高祖陵人  
咸呼沙塚多古碑土人苦爲累或毀或埋地中  
旁爲長安吉道惟一二親王古碑文尙在右爲



唐小王陵無記惟石馬人環列暮夜人行聞悲  
鳥聲前峯民堡爲馬踏人擊不可居六月四日  
事疑有遺恨左八角塚則太上皇也其下萬年  
縣進五里漆沮兩水合而突駛竟過投渭前後  
左右遂無傍支所稱斷原者是也吾家居山北  
岸有城山在襟帶間嘗遊其上周秦漢唐風景  
依然南則秦嶺雲道華岳天亭涇渭照其面西  
則太白雪陰終南仙館清灞橫其眉東與北梁  
山崎險明月崢嶸河洛束其帶從下觀之掛日  
摩月星辰河漢處其巔荆山受關中之富天下  
名士四方豪客遊之者少俱向有名處爭富貴  
地喧囂耳荆山無石不欲違俗激世硬出角骨  
荆山無花不欲柔面媚人自染脂粉荆山無樓  
閣不欲上下低昂別生支節荆山多草正以逢  
春自榮四時造物不事打點荆山多樵客牧童  
自有知己不問咸陽宮殿近果何如淡漠間遠  
家常自足有人言華山人易到吾曰鑿壞山靈  
矣吾以問之山山曰雷雲風雨不以吾山之小  
而不來向者雨化劉先生與吾朝夕友名山著  
業吾以待子功成行在天下五岳石攜一片來

以銘之遂以記

重建王將軍廟記

李因篤

吾村王將軍廟莫詳其始作之年崇貞間叔曾王父鎮撫公嘗議新之既而村燬於寇遂中輟碑版亦缺有間因篤稍長我太孺人田氏數以爲言遂巡未遑也先是

詔試鴻博因篤名玷其中屢辭不獲將發太孺人申告之曰將軍廟垂圯及今不圖使先人社祀故坊淪胥於小子之身可乎自輸簪珥一金因篤輸二金付從父林芳三芳爲聚羣謀始之勸比

富平縣志

卷八 記

七

予通籍史館續養遄歸拜太孺人於北堂而是役猶不果行問所捐金則取息已相埒疆烽未靖人方困於轉輸又連歲洊饑不可以請前年秋太孺人寢疾屬續之時諄諄廟工無期若目不瞑然因篤泣受命皇天降割太孺人奄棄其孤苦塊拮据歷冬乃克襄事明年播穫廳舉卜日燒蔬淪茗糾族黨而諮之皆踴躍願從奮乃心竭乃力布金握粟凡得若干緡推里社某某等環而督之經始是歲正月丙子歷七月己丑報竣謂因篤宜有辭以示後按史記將軍諱

潁陽東鄉人秦厲共公二十一年初縣潁陽應  
劬云在潁水之陽水北曰陽然今縣無橫注之  
水也而潁山踞吾村五里許山麓有將軍廟亦  
曰美應侯廟舊碣載唐代大旱禱廟下挹水龍  
泉而雨因褒封之龍泉出廟左稍上一里俗稱  
將軍淬劍池也云將軍所佩劍時爲龍飲於池  
故名史言將軍盡定趙魏荆燕百越之地以其  
王歸秦并天下王氏蒙氏功最大聲施後世及  
諸王客死並陪葬將軍冢南今猶云五冢五冢  
者趙魏荆燕韓五王家也或云其一百越王非  
韓王姑勿深考惟將軍冢歲六月廿五廿六之  
日質明百步外必見武卒旌麾車馬城郭其上  
千萬爲羣蔚蔚蒸蒸狀類海市移時乃散里人  
多趨觀迫之則無英爽式憑物采煊赫昭昭耳  
目於今爲烈龍劍之祥有自來矣將軍於秦號  
功宗始皇實師之子賁孫離並宣威宿將雖犯  
三世之誠遜於伊呂而雲仍著望如太原瑯琊  
世產名賢史所稱百代鄉族者固將軍之裔也  
予嘗問華山王徵君宏撰鳳洲旣祖瑯琊而溯  
其系不曰潁陽將軍而曰靈王太子詭其所不

可信蓋稽其所可信耶徵君唯唯至秦不施德義自促厥歷而離爲將會逢其阨復何尤焉史但云將軍縣東鄉人不詳所居地或曰千口或又曰將軍以六十萬征楚多請美田宅堅秦王之心始徙於彼吾村古老相傳以七月十日爲將軍岳降必大作社衍之蓋冢墓嘉徵發於六月疑將軍薨葬在季夏而孟秋乃其辰顧千口及冢旁皆有王氏而不知也吾村王氏又久亡其譜牒而距頻山最近將軍里中先賢則以地祀旱輒禱於龍泉則以功祀吾祖宗秋報之遺

宮則以社祀是何可泯泯哉嗟乎是役也肇自先太孺人言猶在耳時艱坐誦旦夕緩營今廟貌煥然而太孺人不及見也嗟乎痛哉是因篤之罪也夫是因篤之罪也夫從父林芳三芳相繼不祿附此以存其勞而比閭効事者咸得紀名並綴迎降送神辭三章其辭曰頻之山柯崔巍包殺羽巨埏垓山之陽井盧開叢雲樹皆徘徊於維公降岳來頻之麓澗之隈爲秦帥挺異才皇攸師衆競推諸王伏萬旅回望公導崩負摧公所馭龍之媒怒銜鏹闐闐排持干將燦斗

魁揚金光雪皚皚旌容容騎恢恢紛舉幕神鱗  
哉發冀關歸北厓沛施怙臨其陔欽遲公邸心  
哀公遙止橫紫埃右迎神於維孟秋相月之初練  
日於朔爰盈部居晨露旣降好風是歸我黍載  
實惟秣及稌有圃在郊爲場將除蒸彼農祖社  
壇孔愉先社伊何古戎父夫時宗三后命族皇  
閭生而知兵乃奮訄謨秦有天下大勲莫如湯  
沐之鄉梓桑之都公神自天百代非疎公眷乃  
土曰粉曰榆濟濟澠澠咸奔厥徒公起跋馬有  
膏其車電發星激隕黃耀朱荆燕驟左趙魏右

宣平縣志

卷八 記

七

驅颺歛來止沛哉塞衢衆媻綽麗其顏如茶震  
何憺憺申觴爾娛右降神公臨壇宇澗之濱擊籥

前除佳哉紛厥北有山河嶙峋輝輝明月爛若  
銀中厓挺秀揚浮雲四望羣峯列星陳虎阜右  
峙左龍津爭環公宮相氛氲公朝發軔涓城闔  
午編六邦皆効珍歸來公里衆誥誥色皎皎於  
嘗所親聿瞻公袞煥以焯登廟倚楹昭靈文白  
旄黃鉞響然臻誰其相之公子孫蛟螭踞伏龜  
龜馴繫車解驂立且蹲堂西伐鼓吹匏埴饒歌  
劒舞交駿奔盛牡折俎膏薌新有實盈籩酒盈

益明德惟馨黍稷芬願公醉飽扇其闈公安坐  
以眺舊邨土階茅墻同瑤琨美莫美兮鄉之罇  
親莫親兮鄉之人樂莫樂兮難具論故鄉之恩  
洽人神歡留奄夕虞主賓桂醕椒漿寧足云秋  
飈初肅颺於晨風馬上馳班白麟公爲我言情  
孔殷攀公不得涕沾巾拜公之貺秋復春祁祁  
甘雨禾蓁蓁龍淵杯水蕩無垠潤沃我田彰報

禮右送神

重修漢薄太后廟記

楊 錡 邑人

記余少時與曹舍人陸海登是臺而嘆曰斯地

富平縣志

卷八 記

七

而廟薄太后也何謂也舍人曰志稱富平后湯  
沐邑其民生而奉之歿而祀之固其所也臺之  
北有太后花園今卽遺址杳然而名之傳於人  
者猶在口也余曰不然祀鉅典也禮禦大災捍  
大患則祀之有功德於民則祀之未聞其以湯  
沐故祀之也古今咸里之屬顯榮於時者衆矣  
或賜之第或胙之田或縱其恣土木之欲大營  
池館率不旋踵化爲荆榛適以供樵牧蹴踏而  
已烏乎祀舍人曰若未知太后之賢乎當呂氏  
煽虐人羣之慘毒流掖延向非后之柔順善全

安能脫然代籓使其後也子踐天位身正中宮而貴爲天下母耶且薄昭弟也有罪當刑使后稍溺於情或援八議之條微諷廷尉疇敢違之卽不然成形成色三日不飲啜文帝有不立解網出之乎乃后一不出此若曰伸私恩絀國法老婦不爲也賢哉后祀之何疑也余又曰不然后誠賢何如明德明德事陰后鞠章帝衣繒式浴有葛覃卷耳風至其裁抑兄弟也終身不令加秩儻尉廖中郎將防卒播譽椒房爲時名臣視昭之未嫻於訓卒罹大典者何翅倍屣至今

茂陵之鄉不識有祠字可跡如靈光巋然者否也何馬之不祀忽諸而薄之貽獨長也舍人又曰不知其母視其子炎漢四百年之祚高帝始之文帝成之而后實啓之計自讓再讓三而還以德化民幾致刑措者皆后澤也故愚謂有文帝一子足以俎豆百世矣又何紛紛疑難爲余曰若以文帝爲太后解是益滋余疑也夫堯母慶都契母簡狄皆誕育神哲而史不傳其建不遷之廟也獨姜源以履武肇祥開萬世粒食之原胡氏謂有形化氣化之異故生民之詩曰卽

有邵家室蓋異數也文帝與太后豈其匹哉霸陵坏土衰草寒煙未聞旁築一畝之宮尸祝弗絕者乃獨於浮原片壤謂宜因子以及母然歟否耶舍人則曰如若言將是廟可廢而不存歟曰何可廢也聞之古有里社其神土所於斯報於斯其父老子弟相率爲誠敬恪恭懽忻和樂者亦於斯今其神雖不經而禮祀同存之不猶識古風歟志曰喪祭從先祖苟使後之子若孫相戒以障其旁風蓋其上兩時時尊治無隳亦猶教孝之道也如之何其廢之舍人聽然而笑

富平縣志

卷八記

七

曰辯矣子言然不苟同不立異緣端究情因俗存禮亦有味乎其言之哉於是余與舍人益抵掌縱談流連竟日相與賦薄臺曉照詩而返迄今五十餘年每一遙聯其上憶曩時往復語若前日事丙子冬初適紀子碩公過我曰余社重修薄廟績且竣矣敢丐一言遂次第其語以遺之

重修富平縣城記

代

曹玉珂

富平古雍州地周屬畿內按雍志曰迤山直北曰頻山秦厲公於山陽置頻陽縣漢高帝於頻



陽分置懷德縣皆屬左輔晉卽懷德故城改爲富平富平之名始此開元間徙富平於義城今名舊縣者元至正之亂邑令張君思道移窑橋寨據險明因以爲邑邑城始於思道削阜加堞因阜形不能廣爲方止三里許嘉靖中縣令胡公志夔始陴以甃關中諸邑城小而高且固莫富平若順治庚子秋余分符是土壬寅八月霪雨如注旬有六日會省郡邑及邨堡民舍盡圯而是城沒於隍若干丈余灼於裘不欲徵役百姓先捐俸若干兩紳衿輸貲隨其力民之尙義

富平縣志

卷八 記

全

者咸以貲助於是鳩工肇於壬寅九月迄於癸卯四月工竣取甃於陶取灰於石雉堞櫓樓咸增其飾余巡而睇之仰而嘆曰昔讀書見孔子稱季路之宰蘓曰忠信而寬子貢問之孔子荅以墻堞完固又見宋天使稱萍鄉張令以爲城郭修葺張忠定遂薦於朝心每易之以爲一睥睨完好耳奚足煩聖人之美與賢臣之薦耶今令是土爲是事始知古人之不可及而初之易焉者之非也是時

天子軫念殘黎靳其勞役各上臺輿作自任不欲眈

肆余仰體

聖主大臣之意兢兢然敢自曰潁陽之城以潁陽之力爲之耶惟是分所當爲者竭力以爲罔限於期罔計其艱乃賴紳衿諸民之勇於義輸厥貲挾然陌然余朝夕躬督勵勤懲怠口諭身勸以一日而集數日之工不數月遂以竣事詎謂才可使無徼役百姓哉李于鱗有言長吏過自好欲無受勞民名又不者如匪行邁謀與衆爲政如此必使城自地出然後可余止賴諸公之勇於義躬自勤督罔限罔計而城自地成若從地出保障哉百姓忽自有之焉季路之於蒲張令之於萍鄉天時人事不知與今何如邈哉古人之不可及也雖然城之不城令責也城之成云令勩哉鄉紳諸公與衿庶之勇於義者不可以不記

南湖書院記

喬履信

濂溪云師道立則善人多昔橫渠張子擁臯比講學關中一時從遊之士則有武功蘇季明藍田呂與叔昆弟人文斌斌蔚起與濂洛閩齊名至明時馮少墟設立關中書院韓苑洛呂涇野

諸公亦先後繼武咸以振興文教倡明道學爲  
已任故一時從遊之士咸因材造就各有所立  
是天下不患無人材特患乎教之無其人課之  
無其地言龐事雜故德弗成業弗精青青子衿  
率聚以嬉也

本朝隆師重道文治光昭久道化成

聖天子更棫樸薪禎雅化作人思天下之廣士子之  
衆鄉國庠序之外或恐教之無其人課之無其  
地則亦無以誕敷文教濯磨士習以儲異日鹽  
梅霖雨舟楫之用因於各省創立書院擇年高

富平縣志

卷八 記

全

德邵文行兼優之儒爲之師而一時之士負笈  
橫經四方雲集濟濟彬彬金玉其質黼黻其文  
咸席珍以待聘至大比之期登賢書者半出其  
中所謂師道立則善人多不其信然矣乎履信  
承乏頻陽仰承

聖天子作人雅化與各

憲造士盛心而闔邑士子於庠序之外獨無訓課  
之地可乎因捐養廉創立書院度地於城之東  
南地勢高敞北望明月頻山南依荆原而對南  
湖左右映帶漆沮澤多諸水因顏曰南湖書院

有邑貢生趙有徽監生竇希韓文學楊元勛耆  
老劉爾瑛褒然首舉爲之鳩工庀材度堂以筵  
度室以几建講堂廳室及齋舍若干間畫棟高  
輝明窻四敞以爲士子朝夕肄業之地庶三年  
小成九年大成於焉藏修於焉游息不至言龐  
而事雜是以德無不成業無不精也簿書執掌  
雖愧文翁化蜀不能爲之師然關中素號多賢  
必有聞橫渠之風如少墟諸公者講學其中以  
振興文教倡明道術爲己任則一時諸士亦必  
有聞蘇呂之風而興起砥廉隅近文章進德修

業日就月將緝熙於光明將所謂爲天地立心  
爲生民立命爲往聖繼絕學爲萬世開太平者  
亦於是乎在矣至異日之爲鹽梅爲霖雨爲舟  
楫又豈異人任乎哉是處則有守出則有爲師  
道立則善人多誠今日厚望諸士之意也書院  
旣竣工落成爰係以歌曰書院成兮南湖之傍  
魚鳥翔泳兮菱荷芬芳化機流行兮何顯何藏  
目擊道存兮吾以藻吾文章書院成兮南湖在  
北淡沱涵滋兮想其麗澤注之不滿兮挹之不  
竭上善若水兮吾以蓄吾懿德書院成兮南湖

之濱源源不測兮冲而徐盈浩浩無涯兮靜而徐清臨淵凜凜兮吾以敦吾善行

韓文星十二世同居碑

李世垣

一體之生有親必疎仁人孝子所不忍言三代以族得民民上則統之朝廷下則統之於宗使之遠不盡高祖旁不盡三從故始祖常祀同姓常戚尚矣顧族食族燕舉以歲時而各親親各子子分田受井之餘所爲合其日用飲食居處者宜必有在而文辭不少槩見蓋王者制法以民法之所得爲布之令法之所不得爲歸諸道

富平縣志

卷八 記

古

大盛德之事固惟侯諸治化之所成而閭閻之所以有可封也春秋世祿之家攘奪時聞漢興遷齊田楚昭屈景等於關中武帝察疆宗元魏分析蔭戶而族益不可爲南北之世惟楊氏一門唐史載崔山南柳仲郢等俱有家法能同居而張藝九世陳氏十世高崇文且十一世過此者無聞嗚呼豈易言哉

國家百年化洽

憲廟詔求義門海內凡同居五世七世不一而是陝西則大荔劉氏獨以九世

旌一時傳爲盛事乃余來富邑則見有韓文星之十  
二世文星居富之東北鄉張市村張市之民如  
櫛比而文星獨爲堡堡居張市三之一堡外塲  
圍町唾相環匝堡內房舍百餘間黃髮戴弁怡  
然樂入其家門徑旁通數院同出入中爲堂家  
長居之卑幼侍立執事奉命惟謹吉凶各有禮  
所尊者至羅拜旅揖以次退雖所私親莫敢對  
坐飲食於其間家門之內如朝廷常食老少異  
糧上設方案坐諸長者下設長案東西依次坐  
弗越其兄弟之親自始祖藝極以來世或二人

或三人或四五人或七八人十餘人至男口五  
十餘女四十餘其間凡經貧經荒經火徙蒲城  
返張市大小宗別繼功遞易無弗念爾祖訓罔  
敢貳文星曰祖訓老有養少有長伯叔父猶吾  
父猶子卽吾子六十不力作七十不提攜其思  
患預防則自不私財不聽婦言始財貨一人掌  
之合三百畝所入每歲畫爲十二分按月取用  
毫忽必簿親賓禮幣裁於長者莫敢違居室慮  
弗容則繞堞作數樓月易壯者守之夫婦偕往  
入夜必聞績紡聲飲食慮弗集則董課耕讀商

賈各有業薪水春榆器具職園職廐職墁職染  
職買各有責中庭雖卑幼皆侍必遞易一人值  
日專其事閭內老不任事餘數十婦入厨勞苦  
相均相代歸寧必告返拜長者必遍歷世如一  
日其自蒲而還也時已及七世八世而經實教  
益嚴前任楊侯表其閭其弟經純以義門爲農  
官司鐸何君匾其門九世文仕還遺金事入邑  
乘十世武生佩璋事母孝母劉逾九十不衰而  
節孝屢見文英妻俱又以貞節

旌一時稱內行者莫不曰韓氏而同居之褒獨未及

富平縣志

卷八 記

六

聞守茲土者謂何矣余蒞任三年始得據某等呈請  
於

憲時守西安喬公給匾敦本睦族 大中丞陳公

上其事尋蒙

俞允勅建十二世同居坊

御書匾額

宸翰輝煌布昭中外書契以來未有也夫陳高之家  
久於公藝而世多稱張意高宗之幸百忍之書  
有足大其家聲歟抑事之有所慕而爲之者類  
鮮克有終文星一門敦龐渾樸熙熙然初不知

同居之美寧慮有分析之事蓋視百忍更加一等矣從此咏歌膏澤鼓吹休明承

國恩以大先業則余所厚望於韓氏正未有艾也

已

金寧武將軍烏古論公墓碑記 李世垣

此有金烏古論將軍墓也將軍諱速可嘗以寧武節鉞鎮華原拜爵司成侯詳金史中統改元義不就徵占籍於富之流曲鎮譯烏古論漢音從李因氏焉實東李始祖子孫代有聞人前輩少叅松軒公恕中丞石疊公宗樞並雲初也先

富平縣志

卷八 記

七

是歲乙丑我

皇上恭奉

王太后親詣奉天祇謁

園陵大禮告成

詔下直省郡邑修所在帝王功臣陵墓以其隙地可田者授陵戶供香火掃除歲時有司祭饗有差將軍墓在

予修例今工報竣其裔孫某等謀勒石以表因求言於余夫探撫遺徽光昭

盛典守土者之責也余既多將軍之豐功高節又喜



爲其後者能不忘厥先體

朝廷錫類之仁宏俎豆於勿替本之深者葉必茂積  
之厚者流自光行將有繼少叅中丞而起者綿  
簪纓世胄繫

廟堂重望所以慰將軍之靈於千百年後者又寧有  
艾也耶守土吏且拭目俟之矣

改建節義祠碑記

李世垣

國家褒獎懿徽光昭俎豆直省郡邑若名宦若鄉  
賢若忠孝節義率有專祠春秋饗祀灌獻惟恪  
制也邑文廟戟門之左祀名宦右祀鄉賢由來久矣

富平縣志

卷八 記

六

憲廟御極之元年

勅建忠孝祠於泮池東偏並建節義祠於縣署迤北  
規模與鄉賢諸祠埒先是康熙乙卯閩邑令九  
芝郭公創節孝祠一字肖像祀唐孝子梁悅等  
暨節婦某氏數人祠坐落西門下連城堡嗣因  
分祀有祠以木主易像而此祠遂爲廢區瓦礫  
堆砌草萊荒蕪者垂數十年所顧署北祠地頗  
下濕歲癸酉夏秋之交霖雨連綿墻墉傾圮方  
擬增葺爰有節婦裔某等連名公請願隨長官  
後効力作以襄厥成感

聖世旌揚之典念慈憐水蘖之操人懷烏鳥私情舉  
切鳩工義舉熙熙然操作以前乃爲改卜高敞  
地撤連城堡廢祀木石構祠屋三楹門房稱之  
不數月告竣故事勒石嗚呼茲役雖不佞暨諸  
寅長捐資從事而助工勩力經營督理則節婦  
裔某等勞績居多宜記也因爲述其顛末如右

張橋義學碑記

寶鳳輝

歲丁卯廣川李公以名進士來尹吾邑政簡形  
清興除盡善尤以培植士風振興文教爲已任  
邑舊有南湖書院創自前令喬公公捐貲增葺

富平縣志

卷八 記

兌

設備膏火聚生童肄業屬余謬主講席繼念境  
內廣袤百餘里村居錯落就學爲難復因善寧  
寺爲通川書院延師授徒規模與南湖書院埒  
而通計閭邑度其地之遠近添設義塾俾窮鄉  
僻壤咸知誦讀束修膏火強半割冰俸爲之在  
城土地祠一北鄉西村一曹村一紅焰村一又  
其一則張橋也張橋介縣東偏去城約四十里  
有寺曰大安名利也創修失考內常輸地積一  
百六十餘畝歷年久遠香冷鐘殘比惟一老衲  
卓錫其中地多荒蕪辛未冬月公躬詣張橋進

衿耆酌設義學爰有里人張亮等偕寺僧前請願因寺爲學卽以其地充膏火資公從其請仍議留田五十畝作寺僧衣食而以一百一十餘畝歸義學富卽捐冰俸若干構講堂四楹延渭南文學朱君翼周爲山長一時負笈者四十餘人剛涓邑庠士蕭君七索捐膏腴田一十畝吾邑太學雲鵬吳君亦以田十畝捐翕然成盛舉焉且夫黜異端崇正學

聖訓也就使撤猊床獅座而進以臯比詎非主持風教者分內事今則衲子自願以其田歸義學因

富平縣志

卷八 記

九

勢利導卒歸於正不亦君子反經之驗乎不寧惟是吾鄉之以地捐者或曰書田因果彼固爲其子若弟也不則爲其戚友也若鄰邑人士肫然尚義則德教之感被遠矣今公以績最晉秩興元刺史旦夕入

覲猶諄諄然懼鄉人之久而或湮也屬余記之蓋設義學公之善政而懼義學之久而或湮則公之苦心也嗚呼公之苦心寧惟張橋義學爲然哉作張橋義學記

南湖書院增設修金膏火記

崔龍見

永濟人

書院之設所以廣庠序而育人才也我

皇上特頒詔諭飭天下慎選師儒 大府以下加意

整頓直省郡邑苟非瘠貧薄陋之甚者莫不創  
建修葺與黌舍並行焉文治之隆於斯爲至余  
以甲午春承乏茲邑邑舊有南湖書院創自前  
令西毫喬君後來者籍爲課士基又得廣川李  
君益葺其事故當二君時成就頗多第初建日  
詳撥河灘及捐買地除糧賦歲得租銀三十二  
兩有奇僅供院長修膳生徒不給膏火遠鄉寒  
素之士就學維艱余惟關中理學名區茲邑則

富平縣志

卷八 記

空

張李楊孫四先生後流風餘韻相望百年長育  
振興固守土者之責也况喬李二君舊勞斯在  
莫爲之後雖盛弗傳因募捐銀六百兩並前令  
蘇君募捐銀二百五十兩詳請給付邑之商民  
歲收薄息可給百金又詳撥元陵地十一頃三  
十三畝零分別三則取租歲入租銀七十四兩  
有奇連前歲得銀二百餘兩師生修膳膏火官  
課優等獎勸之需以及司門執爨黜聖苦葺諸  
費粗取足焉付老成公直者經理之敦請孝廉  
管韞山先生主講席一時橫經負笈于于而來

者視前有加余且樂於政事之暇與諸生揖讓講貫於其中諸生勿以一得而矜勿以偶躋而挫日浸月漬底於有成將必有個儻非常之才出而應

王國羽儀之選余亦得籍以仰承

聖天子崇儒重道與

各大憲化民養士之盛心而後之人鑒於前功將益大其規模以至於久而弗替也喬君故有碑年久就仆起而甃之李君無留跡意者躬教化之實不必有其名耶是爲記

富平縣志

卷八

記

三

明壽官臨崗張公暨配合葬墓表

明孫丕揚

張公諱邦傑別號臨崗世居流曲堡東南新移村祖文禮父九思母趙氏田氏公趙出同母兄邦奇先公亡弟邦基開家者實維文禮擴於九思而大於公昆仲云公生而精悍身不滿中人心計幹局出尋常數等家世襁褓有伊祈風公沿先業治鄒魯言不竟遂肆力農商間積累巨萬以勤儉爲家人倡俗尙侈囊稍潤輒裘馬相競公素封矣猶衣再浣食脫粟不厭也至拯急則貲屢捐不恪俗負氣睚眦忿期甘心焉

公強有力矣遇豪暴必遜見訟獄必解若不勝衣也者至義氣勃發卽巨駟不少下鉏耨德色秦風乎公事兄如嚴君撫弟逾以體遇諸子侄加卵翼稍骫軌卽呵斥不貸若石氏家法然右刀錐左章縫富態乎公遇章甫輒身下之貧必解推溺必拯援微師席必異數牙籌之門多長者轍若臯伯通之庶然用是張公好禮風業籍籍關輔問而廝養僮僕逼古刁卓氏丁恩例以冠裳優耆德從輿望也倦遊矣命諸子曰某善子母宜從商某能剛克宜從武某有慧心宜從儒嗣今伯爲大賈仲號名將季富文采公因材之教富平縣志

卷八

墓表

叁

居多哉合淑配安葬祖莊南原業逾年矣其郎爲與余屬姻契跪以表請余喟然曰古陶朱氏攄伯越餘謀遂立治生者幟非世艷稱不朽者耶若公者當與俱不朽矣非有粵人才力亦安能干余過其隴低徊久之慨然想見其人云

本朝明諸生里謚孝貞李先生墓誌銘

康乃心

邵陽人

關中故多豪傑之士其起家商賈爲權利者大抵崇孝義尙節槩有古君子之風而士人獨循循守先儒之說不敢倍嘉靖中高陵三原爲經

生領袖其後稍衰而一二賢者猶能自持於新  
說橫流之日以余所聞李先生蓋可謂篤信好  
學而不更其守者耶李氏之先山西洪洞人元  
時遷美原洪武初縣廢爲富平人數傳至先生  
之曾祖諱朝觀者以任俠著關中與里豪爭渠  
田爲齟齬以死而先生之祖諱希賢以諸生走  
闕下上書愬天子直其事大猾以次就法報父  
讐名動天下乃其家遂中落至先生之考諱效  
忠中武舉稍復振先生始以文補邑弟子員先  
生少而剛方績學不怠當萬歷之末士子好新

富平縣志

卷八 墓誌

李

說以莊列百家之言竄入經義甚者合佛老與  
吾儒爲一自謂千載絕學先生乃獨好博註以  
程朱爲宗旣得事恭定馮先生學益大進先生  
事親孝其於諸父昆弟恭而有讓待人以嚴而  
引之於道治家冠婚喪祭一如禮法以是年雖  
少鄉人重之如王彥方黃叔度焉崇貞七年四  
月壬午以疾卒年二十七先生卒之三月而關  
中大亂先生之考武舉君以哭子繼先生以及  
而寇至里中妣楊氏與族人登樓並焚死李氏  
之門合良賤死者八十有一人嗚呼惜矣而孤

子因篤方三歲因材二歲從其母田氏走之外家以免其後因篤既長乃折節讀書已爲諸生旋棄之爲詩文有聞於時而尤潛心於傳註之書以力追先賢蓋近年以來關中士子爲大全蒙引之學者自先生父子倡之先生歿越十有三年十月癸酉因篤始葬先生於韓家村東南之新阡因篤既與邵陽康乃心爲友且數年而曰吾先人之墓石未立將屬之子乃心不敢辭乃爲之撰次其詳則因篤之狀存焉先生諱映林字暉天其歿也鄉人私謚曰孝貞先生孫男

富平縣志

卷八 墓誌

奎

二人漢因材出渭因篤出銘曰

李氏之先以節俠聞及至於先生乃續斯文刊落百氏以入聖門好義力行鄉邦所尊胡不永年遭室之焚有封若堂于韓之原惟德繩繩在其後昆

明諸生里謚孝貞李先生墓表

王宏撰

華陰人

嗚呼此明文學李公孝貞先生之墓也先生諱映林字暉天以鄉人私謚稱孝貞先生先生生於萬歷三十六年歿於崇貞七年越十有三年而子因篤始克治葬於此予生也晚不及見先



生而與因篤爲兄弟之好嘗以母事田太孺人太孺人視予猶子也太孺人後先生五十一年而歿爲今康熙之二十三年冬十一月壬申因篤奉其柩合窆焉先期以書來乞表其麗紼之石王宏撰曰關中之學倡自雲巖而明興以來文簡爲最著繼文簡而作者則有恭定當異說橫行之日屹然爲底柱於狂瀾一時從遊其門者繁有人顧每屬意先生予聞先生之學以程朱爲師致知而力行不旁趨不躡等所謂醇乎醇者爲文章有聲庠序間尤敦孝友居家之儀乃已卓卓如此矣有子因篤以公卿之薦受知

富平縣志

卷八

墓表

矣

天子授翰林院簡討以太孺人春秋高力請歸養之早齋志於眉山發憤之年而未獲見其成也準諸家禮不苟同流俗里黨取法焉惜乎天奪之早齋志於眉山發憤之年而未獲見其成也天子特許之其出處大畧與新會合符狀因篤淹綜子史尤深於經術恪尊傳註間有發先儒所未發者而一軌於正學卽新會猶當遜之則皆先生之遺教也予故撮其大端著之篇而使揭於其墓庶幾後之過潁陽之野者憑而弔之聞先生之風其亦可以知所宗也已若太孺之徽德

則有二曲之誌銘在婦無專制故不及焉

李母田太孺人墓誌銘

李

顯整屋人

顯學不為文生平未嘗應人以文十年閉關以  
來晏息土室並筆硯亦不復近頃宗弟因篤遣  
子渭持母田太孺人行狀請顯誌其壙中之石

顯以不文辭因篤謂

顯

曰鄉寓富平曾接孺人

警歎恩託連枝所不容辭且言事苟紀實即不  
文庸何傷不獲已為破例勉次其概按狀孺人  
系出田齊公族漢初奉詔徙關中三遷而居富  
平之董村至敕贈文林郎山西道監察御史開

富平縣志

卷八

墓誌

七

五公諱見龍為孺人大父醜裴氏生五子曰大

叅公曰增廣公其次為汜水公廣濟公副戎公

增廣公諱時需娶楊氏生孺人年十六歸於孝

貞府君事舅姑柔順無違察色聽聲奉食飲相

起居務承其歡即一果一蔬必手滌而後進孝

貞弱冠入庠遊故大司空馮恭定公少墟先生

之門究心理道孺人一力操作勞苦備服而內

外之政井如孝貞蚤卒舅亦繼亡姑遇寇被燬

孺人攜因篤暨次子因材走外家獲免焚掠之

餘生計一空崎嶇窘仄於風廬塵甑間縮腹而

食解髭而餉俾因篤從外祖受書勉以恪繼父志因出孝貞遺書并少墟先生小像泣告之曰此孔孟正傳若父疇昔之所潛心從事者也小子以此自勗則若父爲不亡矣因篤嗚咽受命繼晷弗懈年十一就童子試邑宰得其卷驚以爲神拔之冠軍隸博士食餼逆闖破潼關僭號長安逼諸生出試受職因篤遂棄衣冠屏舉子業一意經學旁通左國史漢暨唐宋諸大家人謂無救於貧孺人獨私喜卽或菽水弗繼怡然安之無愠色旣而因篤才名籍甚遠邇傾慕縉富平縣志

卷八

墓誌

矣

紳多折節願交藩叅上谷陳公宗伯合肥龔公尤稱莫逆咸分俸資養孺人自是稍免寒枵太原傳青主華陰王山史與因篤埧吹篴和相次登堂拜母歸善孺人今

篤奉

上十有七年詔集天下淹雅之士廷臣交章推薦因篤敦促力辭不獲大司寇蔚蘿魏公方兼御史大夫爲代請亦未許灑泣就試

欽授翰林檢討卽日具疏乞終養奉

旨俞允歸而依依子舍孺人對之悅慰加餐母子相

依自謂人閒至樂雖三公萬鍾莫踰也歷六歲  
而衰病侵尋食亦漸減入秋患吐因篤遍延名  
醫診療夜則露禱於天祈以身代孺人聞之太  
息曰吾年近八旬死復何憾烏容此徬徨爲耶  
遂却藥弗進沐浴靜俟七月十六日未刻整衣  
端坐神明湛定頃之目下垂脩然而逝噫性命  
死生之界在尊宿老儒猶不能不怛乃孺人不  
戚不亂守正以俟命足以覘所養矣平昔自奉  
儉素待賓則非腆潔弗快天性慈惠好急人之  
急里中饑貧者令媪手藁米分應或呼而餉之

富平縣志

卷八

墓誌

先

凍者爲斥裯絮族姻有以匱乏告務委曲周恤  
痛若身經居恆誨因篤以敦倫睦族樂善親賢  
受人之惠不可忘報聞陳公卒官東粵則促其  
趨奠王山史訃至哭之甚哀痛因篤失一良友  
前此顯以終南播氛避亂頻山孺人率闔眷出  
見令因篤偕弟若子朝夕嚴事懇勤有加罔替  
迨亂定返里猶時問遺不絕嗚呼懿德之好在  
孺人誠爲空谷足音而顯以虛名無似當之愧  
何可言今九原不可作矣追維眷顧之隆擗管  
涕零弗能已孺人生於萬曆三十七年五月壬

寅卒於康熙二十三年七月庚辰享壽七十有六子二長卽因篤娶王氏處士正發女蚤卒繼張氏處士爾璣女次因材諸生出嗣叔曾祖鎮撫公娶楊氏都尉鍾秀女孫二漢因材出諸生娶田氏太學尊儉女渭因篤出諸生娶諸生沈君宜女蚤卒繼娶石氏諸生天柱女孫女二並因篤出皆天重孫四相漢出楠  
渭出因篤卜以仲冬甲申葬孺人於韓家村東原新阡乃系之銘

銘曰奕奕公族肇自田齊濟哉懿德我李是禋

富平縣志

卷八

墓誌

一百

迺昌厥後迺迺厥先惟賢惟善申命自天頻山  
莪莪石水洋洋億萬斯年長發其祥

舊志序

喬履信

履信於庚戌歲恭膺

世宗憲皇帝簡命分發陝西學習試用甫抵西安值諸  
上憲奉

旨纂修通志信以菲材猥入志館分門編撰時館中  
置全省郡邑諸志以備采取幾與曹倉鄴架轉  
伯仲信見之躍然曰信少時覽新城王漁洋先生  
諸雜著有云近世志書文簡事核訓辭爾雅

無如康對山之武功志次則王漢陂呂涇野孫  
立山鄠縣高陵富平諸志皆可埒於對山者个  
此充棟堆牀諸家俱在也因隨手抽檢縱心披  
閱益歎名公咨賞另具隻眼用敢仿厥義例勉  
編紀事經籍古蹟三門幸歲厥事越甲寅歲試  
用郿邑旋調富平入境山川歷歷如逢故物接  
其人士雍雍濟濟先達諸老之清風高韻髣髴  
如或見之者徒以濫竽志館時預獲縱覽孫公  
立山所輯邑志故也旣而公務叢交紛如蝟集  
不惟硯田就荒筆藁將落難附著作之林而治  
富平縣志

卷八 序

百

本朝

教未孚民俗待易方且旁午奔命日不暇給古  
云政治不成者無爲妄議文章之事信安放遽  
擬治其政事及萬民之利害哀其禮俗教治刑  
禁誌其和親康樂安平彙萃成書以俟行人謁  
者乘傳持節而下採耶顧惟

四聖相承德洋恩溥海隅日出之鄉無不蒸蒸向化名

材輩出人文蔚起致可傳述矧茲三輔名區久  
沐

恩膏而定鼎以還勝蹟偉人鴻章巨製紀載缺如忝

居守土責有攸歸勢又不敢以謏劣無文竟爾  
怠緩從事近年百凡粗舉畧有餘暇於是徵文  
攷獻謀爲修志之舉始悉舊志自孫公撰次後  
六十餘年

本朝韓公斗山有續輯若干卷未經刊行急命索觀  
見所覩縷可補孫志之缺者得若干事稽其歲  
月距今更歷八十年所矣制隨時異事與年集  
風逐俗移誠不可以莫之志也爰擇日立櫃博  
爲採訪凡閱歲得若干紙仿白帖例分門別類  
鱗砌鴈排更走書延致邑中之學行優卓者若

富平縣志

卷八 序

五

干人公相商榷去存詳畧務歸允當而止於孫  
公刻本韓公草木亦皆細加研磨稍涉重複者  
檢剔之稍非肯綮者節去之體例稍缺及稍冗  
者補綴之整頓之至其辯而不華質而不俚瞻  
而不穢詳而有體蔚爲不刊同符班馬者則皆  
恪爲遵奉罔敢肆情點竄以增誣妄銓次旣竣  
爰登梨棗敬於簡端粗摠鄙見以告後之君子  
復念顧瑞屏先生有言監司守令不悉一方之  
地形土俗因革利病不可以作志信待罪五年  
碌碌無似輒敢泚筆汗簡率成此志方懼遠愧

孫公近慚韓氏難免續貂之誚至謂小言瑣議  
蚍窳蠅聲可與對山溪陂諸公踵起代興抗行  
角立他日必有文壇隻眼如漁洋先生者起而  
推崇獎借之信且前望古人後顧來者不禁內  
外互惡面背交汗也是爲序

上宋明府書

明劉士龍

前三文不知申呈否如未申當急申之首文行則闔  
邑之福又老父母所以自解也次文行則全陝之福  
豈僅僅一州一縣乎哉兵車之制程吏條陳者極是  
卽發樣令四鄉速做差一的當人下鄉督催限以時

富平縣志

卷八

書

三

日賊警又聞非可緩視外令每牌各備長柄大斧三  
把悶棍一條弓一張矢三十枝石子五十箇刺帚一  
把紙甲一領遇戰時穿甲者居前庶箭來不傷人心  
自固待兵車成後老父母親自下鄉事事細查每牌  
選其壯健者一人加爲總領責其倡率更祈老父母  
嚴諭如賊從西北來則調西南鄉兵合力以禦東北  
鄉兵調守澗頭溝以東賊從東北來則調東南鄉兵  
合力以禦西南鄉兵調守澗溝以西賊來須親履矢  
石始見壯猷楊將軍居前老父母殿後萬萬毋傷嚴  
加戒諭退縮者軍法從事顧慮桑梓人情皆然但得



老父母作主以丁壯官軍加之鄉兵數十萬禦賊何有哉守城雖大事區區守城城必不能守城爲財貨之藪賊所垂涎若不從遠捍禦旦夕臨城恐有必不能保全者老父母受禍不淺矣向教老父母不離城一步者皆庸闇之論毫不可用四境之內皆吾赤子朝廷命官令治四境之內非僅治四門之內也前番賊得志而去病在美原之寇老父母不出是一誤也莊鎮不出是再誤也流曲不出是三誤也天下事豈堪三誤哉老父母不出旣無以作民之勇則民皆喪氣且示賊以弱則自橫行矣此非老父母誤百姓乃

富平縣志

卷八

書

高

向者阿諛之人誤老父母也此輩私意以一己城居之故欲借卵翼以自保不知無鄉則無城不賊攻其外則奸發於中子女金帛豈能無恙是此輩誤百姓又誤老父母而終不免於自誤耳請剖利害爲老父母細陳之賊雖凶獍觀其竊攘非有遠圖攻城破邑未敢輕傷職官老父母無虞一也况兵圍數重而又

有楊將軍爲之前茅賊豈能飛馳耶其無虞二也惟

願老父母安靜坐鎮庶保萬全時當倉皇未暇多陳

一片愚忠惟老父母鑒察爲禱

本朝

辭富平邑侯郭公書

李柏

蟻陂吏隱在哦松藍田時耳之熟矣頻陽邂逅尤今日事耳本擬登龍但樵采之足不宜城市辱蒙厚貺義當飽德而還山期迺不遑下咽高明如先生可以原其心矣

富平答問引

惠靈嗣 邑人

富平縣答問者吾師二曲先生答人問學之語也先生原籍藍屋頃因兵氛流寓富平閉關養疴不與世通居恆惟三五舊遊往來起居緣是得以時近臥榻親承警欬有問必答聞所未聞凡進修之要性命之微明體適用之大全內聖

富平縣志

卷八引

夏

外王之實際靡不當可而發因人而啓要皆口授心受期於躬體實詣不以言語文字爲事以故語多未錄茲謹錄其切於通病者聊以自警昔周子寓濂溪而濂溪著程子寓龍門而龍門顯以至康節之於洛晦菴之於閩咸地以人重聲施無窮今不腆下邑亦何幸而獲先生之至止耶隨在施教語因地傳是以恭題曰富平答問紀實也庶觀者知所自云

魏陵辯

朱廷璟 邑人

富平縣治東南三十里有陵穹然正南高三尺

許上平坦其廣袤如殿址狀明洪武以來諸帝  
嗣位則遣使祀之祝文皆勒石其上邑有時祭  
又南則翁仲對峙土人言有華表石獸被耕者  
湮沒志稱爲元魏孝文帝陵其葬於陵東者曰  
帝妹延昌公主也自此東北塚纍纍相望皆不  
可攷按魏初複姓拓拔氏世都平城高祖宏爲  
其祖母馮太后建陵方山而自起石室於傍後  
遷洛陽更姓元氏又表瀍西以爲葬所在位三  
十五年南征道殂謚曰孝文涑水通鑑亦云葬  
於瀍西是爲長陵而方山虛宮人稱萬年堂云

及高歡入洛孝武西幸遇醜告終宇文泰奉太  
宰南陽王寶炬而立之高祖孝文帝之孫京兆  
王愉之子也實爲西魏文帝在位十七年謚曰  
文與后乙弗氏郁久閭氏合葬永陵北史旣不  
言其地而一統志則二陵皆失於記載今直以  
此陵爲孝文陵則非也攷明初立廟京師祀歷  
代帝王後又區別有祀於廟者有祀於陵者今  
祀版所著始自洪武其稱號削高祖而止曰孝  
文意時方草創二文相溷有司漫然應詔禮臣  
不加詳考馴致因循况其祝詞與文帝始終無

一符者庸可汶乎一統志成於景泰天順兩朝  
儒臣欲速缺畧匪一若以孝文稽古好賢孝友  
名達合於祀典則長陵之兆自有灑西封人識  
之以爲文帝則政在宇文徒擁虛器不以其身  
爲孝武從者幾希祀之將何述焉故曰此西魏  
文帝之永陵而非高祖孝文帝之長陵也或曰  
陪葬者誰也曰史稱高祖六弟其妹無聞文帝  
有妹平原公主明月則戕於帝未卽位之前矣  
觀文帝山陵初畢手書定配饗之后若有陪葬  
之妹豈容沒沒且以平原之行寧不媿永陵松

櫛耶蓋文帝卽位太子欽立三年而廢恭帝廓  
立又三年而禪皆不良死易世之際禮文缺畧  
草草而殯或其一也其非公主又明甚余夙知  
其謬守官長安時欲請釐正以爲非分內事而  
止適辛卯夏月孟津王文安公有告祭之行力  
爲言之公亦首肯後未復命而捐館今秋與友  
人劉滙澤登眺徘徊道其所以或曰其來舊矣  
非若祖則厥孫子媿媿言之將與神校是非耶  
余悅然而笑曰子言良是然祀國之大事也吾  
終不可以不辯

渭橋辯訛

曹玉珂

晉改懷德縣爲富平唐開元移富平於義城今名舊縣王仙客爲富平尹舊縣地也自舊縣北去唐陵無水不當有橋或云長樂驛在縣南古中華郡時仙客知驛務內家宿於驛自北渡溫水矣灑掃園陵德宗爲代宗設檀山元陵也其路從驛西北行不從舊縣說似有據明末有紀氏梁相之則驛不在舊縣說似有據明末有紀氏啓土於溫水岸見大石不知其極皆橋材疑長樂橋址也此橋不宜以渭名按渭橋有三俱跨

富平縣志

卷八

頁

渭流南去溫水半百里蓋邑有唐陵者四天子常所行幸宜名御橋秦人讀御渭同音原傳渭橋者或御橋之訛耳今邑西有古氏族相傳爲押衙後中華郡鄰古氏不遠又足証也觀無雙書云富平古押衙人間有心人與監門候生言兵符在王臥內惟如姬能竊之二人之識千載如一一人由內而知外一人由外以知內至相懸也而至相知卒賴有濟成天壤異聞奇矣哉然爲無雙者更難無雙惟有心能令古洪仙客輩皆爲之用一身脫羈而代死者十餘人使此

女不出於園陵天子或悅其色而近之當有不測之患法沒宮婢豈哲辟所可爲哉嗟乎以所言古生者觀之有胸無心滔滔者天下皆是也薄太后園辯

余以兵亂自邑移家溫泉堡南臨溫水對薄臺里人傳云漢薄太后臺也北一里爲華池川珂先府君新阡在川北岸之阜其川三岸中深東通溫水亦傳爲太后蓮花池掘土深三尺皆汙泥或蓮池說匪誣按薄太后未聞築臺鑿池於此蓋其母靈文侯夫人曾建園於懷德縣南相

去不二里太后省母常臨此故誤傳太后臺池耳太后仁厚每至父老伏道迎送詢其疾苦免其徭稅崩遐之後父老感念恩慈建廟以祀子孫世繼香火於今廟在川東臺北高原墳然突起名曰孤堆因遠人烟溫水環其下每著靈異祈者云應萬歷末年有僧住持廟無僧室居於正殿一日昧爽趨下喪氣不能語人疑驚於盜越數日方潛言於所厚戴介圭曰前夜風雨晦冥忽太后駕至車騎甚盛旌旗不能名狀炬輝若晝異香繚繞婢侍宦寺外其從官皆猗猗可

畏僧屏息伏榻下從官怒目相視幾至不測問  
太后何狀曰頤而長年高而肌瘠衣錦繡亦不  
色鮮坐殿上瞻顧終南俯几而涕者久之僧信  
實無誑語介圭每述於余觀此則漢家舊是笙  
歌處烟草幾經秋復春之句未必係贊皇代作  
也

仙蛻志

鄰邑所用石凡坊礎門槩之類皆取於富平卽  
詩所云北山也工於山各開洞取石洞有深十  
餘里者名石窠一窠近蒲城工爲單孝廉元洲

取石人窠數里得丈夫骸一具平寢石內無棺  
石之廣狹長短按人爲形而骸之首足鼻耳與  
衣履石上皆有紋骸石相離寸許其石磨礪明  
淨黑光若漆四面皆堅石絕無從入之痕工已  
誤啓其半見衣若新入手而塵骨若黃玉無肌  
而堅長踰時人二尺許工奔告元洲偕友馳觀  
咸驚異設酒餽致醅仍合所啓石洞口鐫仙蛻  
二字工高某爲余道其事元洲亦爲文以傳此  
前聞所未有者

按邑於周秦漢唐爲畿輔地文氣近古師友淵源

作者代興故投櫃名篇頗多而與地方無關者  
不載要亦行所先也文所後也是用殿全志





